

Hebreos

Cohamacu macuno to Pucurore yahubasaha masare

¹ Panopu Cohamacu payu tahari mari coyeare panopu macaina cjirire to yare yahua tiri jire. Payu to beserina to yare yahu turiaa tiri jire. To yare yahu mautaina cjirire yahu dutiro, ã yahua tiri jire tiro mari coyeare.

² Mipure pihtiri dacho panocã jia dachorire to macunore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, manano cãhure yoariro jira. To Pucuro sehe pihtiri dacho panocã jipihtiare cjahtirore cãa tiri jire tirore.

³ ã jiro to macuno sehe to Pucuro si siteare cjariro jiro, cãno potori to Pucuro yoaro seheta jiro, to Pucuro to jia tiare marine ñona. ã yoa to macuno to tuaa mehne to dutichu ahri yahpa, manano cãhu ã jirucura. ã yoa mari ñano yoari buhirire to cosari baharo manopu to Pucuro tua yuhdaruro poto bahusehei dujiri jire tiro, to pãhtoro jiare ñono.

Cohamacu macuno anjoa bui jira

⁴ Tiro Cohamacu macuno wama tira. Tí wamare cãri jire Cohamacu tirore. ã wama tiro paina bui pãhtoro jira. ã jiro tiro anjoa yuhdoro tua yuhdarucaruro jira.

⁵ To yaina anjoa sehene Cohamacu ne õ sehe ni yahuerari jire:

“Y_u mac_u jira m_uh_u.

Michare y_u mac_u m_u jiare masich_u yoaihca”,
niri jire Cohamac_u to mac_uno. Anjoa sehere ne
ō sehe ni yahuerari jire. Tinare ahri cāh_ure ne
yahuerari jire:

“To p_ucaro jija y_uh_u.

Ã yoa tiro y_u mac_u jira”,

niri jire Cohamac_u to mac_uno. Anjoa sehere ne
ō sehe ni yahuerari jire. (Ã jiro to mac_uno tina
y_uhdoro tua y_uhd_ur_ucariro jira.)

⁶ Pa tehe to mac_unore wahma masa bajuarimore
ahri yahpai c_uno ō sehe niri jire Cohamac_u tirore:
“Jipihtina y_u yaina anjoa na tuhcuca caha s_u, ño
payoahca tina y_u mac_ure”,

niri jire tiro.

⁷ Ã yoa to yaina anjoa sehere yahuro taro ō sehe
niri jire tiro:

“Y_u yaina anjoare wihnono yoaro sehe p_uac_u tich_u
yoaja y_uh_u.

Tina y_uh_ure dahra cohtaina jira.

Tinare pichaca yoaro sehe p_uac_u tich_u yoaja y_uh_u”,
ni yahuri jire Cohamac_u.

⁸ Tinare ã niparota to mac_uno sehere ō sehe niri
jire:

“M_uh_u Cohamac_u jipihtina bui p_uhtoro ã jirucui-
hca.

Quihōno dutiuhca m_uh_u m_u yainare.

⁹ Mahñono marieno yoare, noano yoare tuaro
cahmana m_uh_u.

Ã jic_u ñaa yoare ñ_u yabira m_uh_u.

M_u ã jiro jich_u ñ_ucu y_uh_u m_u P_ucu jipihtina paina
y_uhdoro m_uh_ure wahchech_u yoahi”,

niri jire Cohamac_u to mac_uno.

10 Ahri cãhure niri jire tiro to macunore “Pũhtoro”, ni pisuro:

“Pũhtoro, wahmanopare ahri yahpare, mũano cãhure bajuamehnere mũhũ mũ basi.

11 Tí jipihtia cohtota pihtia wahaahca.

Mũhũ sehe ne cohtotasi.

Ã jirucuihca mũhũ.

Tí jipihtia suhtiro to baa boraro seheta pihtia wahaahca.

12 Tí jipihtia mũanore ahri yahpa cãhure cohtotachũ yoaihca mũhũ.

Mũnano suhtirore mũ cohãboro seheta tí jipihtiare cohtotachũ yoaihca mũhũ.

Suhtirore tjuwe na mũ cohtotaro seheta tí jipihtia cohtotaahca.

Mũhũ sehe ne cohtotasi.

Ã jirucuihca mũhũ”,

niri jire Cohamacũ to macunore.

13 Ne anjoa sehere ahrire yahuerari jire Cohamacũ:

“Yũ poto bũhũsehei dujiga mũhũ.

Pũhtoro jira mũhũ.

Ã jicũ mũhũre ñũ tuhtiinare doca dahre, yũhdũrũcabasaihtja.

Tina bui pũhtoro jiihca mũhũ”,

niri jire Cohamacũ to macunore.

14 Jipihtina anjoa sehe Cohamacũre dahra cohtaina jira. Ã jiro Cohamacũ warocara tinare to yaina anjoare Cristo to yũhdũchũ yoahtinare yoadoho dutiro.

2

Cohamacu yare noaa buheare marine ã tũhotunocano cahmaerara

¹ Æ yoa Cohamacu macũno waro marine yahuriro to jichũ masina to yahuare mari tũhorire noano wacũno cahmana marine, “Tĩre bori”, nina.

² Anjoa masare Cohamacu dutia cjirire ti yahu cũ turiariro seheta tí dutiare yũhdũrũca dutierari jire. Æ jia masa sehe anjoa ti yahurire ti yũhdũrũcachũ ñũno Cohamacu tinare quihõno buhiri dahreri jire.

³ Anjoa ti yahurire mari yũhtiri yũhgoro Cristo sehere yũhtiro cahmana. Tiro mari pũhtoro marine to yũhdũchũ yoahtore yahu mũhtari jire. Æ jia tirore tũhorina sehe to yahurire marine yahu turiare marine noano masichũ yoa taa. Æ jiro tí buheare marine to yũhdũchũ yoahti buheare mari ã tũhotunocachũ Cohamacu tuaro marine buhiri dahrerohca. Tĩre duhti masieraja mari.

⁴ Tí buheare tũho mũhtaina painare ti buhero watoi Cohamacu sehe tí buhea quihõnota ti jichũ ñono nire. To tuaa mehne ñono nire. Æ yoa payũ tahari to tuaa mehne yoa ñono, tí buheare quihõno ti jichũ ñono nire. Æ yoaro to yainare ti yoahtire to cahmano seheta cũri jire to buhea quihõno ti jiare ti masihti. Espĩritu Santo sehe jira marine ã yoa masichũ yoariro.

Jesucristo mari yoaro seheta pjacu tiriro masa bajuaha

⁵ Pihtiri dacho baharoi jiina Cohamacu cahai jiina michapucacã yũ yahurina cjiri bui pũhtoa jisi anjoa sehe. Tina anjoare pũhtoa sõi Cohamacu.

⁶ Wiho mejeta cãiro Cohamacure to durucurire õ sehe ni joari jire panopu:

“Masa wiho jiina ti jipachuta tinare wacũna muhu.
Masare noano yoara muhu.

⁷ Mahaa numuricã anjoa docai masare cõri jire muhu.

Ã cõpacuta mipure tinare tuaare wacu puhtoã sõri jire muhu.

⁸ Muã sõchu ahri yahpa macaa bui jipihtia bui jira masa”,

niri jire panopu macariro Cohamacure. Ã cõno ahri yahpa macaina wahiquina jipihtina bui, jipihtia bui cõri jire Cohamacu. Masare toã puhtoã sõpachuta jipihtina ahri yahpa macaina, ahri yahpa macaa bui jierasínica masa.

⁹ Ã tina bui jierasínipanahta, Jesu sehere masija mari. Mahaa numuricã anjoa docai Cohamacu to macano cõhure cõri jire, mari yaro jiborirore yari-ahtirore. Cohamacu marine cahõno Jesure mari yariaborirore to yariachu cahmari jire. Ã jiro toã yariachu õno tirore tuaare waro, puhtoro sõri jire tirore.

¹⁰ Cohamacu jipihtiare bajuamehneriro jira. Ã yoa jipihtia to ya dihta jira. Ã jiro Jesure to yaria dutichu, tiro sehe mari õaa yoari buhirire cohãri jire. Ã cohãri jire tiro masa payu to yaina jihinare manopu naano taro. Jesu to õano yõhdachu masare yõhdachu yoah tiro Cohamacu to waha dutiro seheta yoaro niri jire tirore. Toã yoachu pinihta noa nina. Ã jiro Jesu sehe marine yõhdachu yoariro waro, mari puhtorota jira.

¹¹ Jipihtina masare ti ñaa yoari buhirire Jesu, to cosawerina mehne ꝑꝛꝛꝛ tira Cohamacꝛe. Ñã jiro mari ꝑꝛꝛꝛ cãirota jira. Mari ꝑꝛꝛꝛ to jichꝛ Jesu marine to yainare to cosawerinare “Yꝛꝛ coyea jira”, ni pisuro ne bꝛꝛo tierara. To ã ni pisurire mꝛꝛsare yahuihtja.

¹² Õ sehe nino niri jire tiro:
“Cohamacꝛ, mꝛꝛ jia tiare yahuihtja yꝛꝛ coyeapꝛe. Jipihtina yꝛꝛ yaina panoi mꝛꝛhꝛe ño payocꝛ ‘Tu-ariro jira’, ni yahuihtja yꝛꝛhꝛ tinare”, niri jire tiro to ꝑꝛꝛꝛore.

¹³ Ahri cãhꝛe niri jire tiro:
“Cohamacꝛe wacũ tuaihca yꝛꝛhꝛ”, niri jire tiro. Ahri cãhꝛe niri jire tiro:
“Õi jija yꝛꝛhꝛ. Cohamacꝛ pohna mehne õi jija. Yꝛꝛhꝛe to cũrina yꝛꝛ coyea mehne õi jija’, niri jire tiro to yainare ‘Yꝛꝛ coyea’”, ni pisuro.

¹⁴ “Cohamacꝛ pohna”, to niina ꝑꝛꝛꝛ tiina mari jichꝛ ñꝛꝛo, Jesu sehe mari ya ꝑꝛꝛꝛ yoaro sehe jiriro tari jire. Ñã jiriro tari jire tiro crusapꝛ yariaro taro, watĩnore butichꝛ yoaro taro. Tiro watĩno sehe yariachꝛ yoariro jira.

¹⁵ Ñã yoa watĩnore butichꝛ yoaro, marine yꝛꝛhdꝛchꝛ yoare. Mari sehe dachoripe mari yariahtore cuimai. Ñã cuiina jina ꝑichacapꝛ wahaborina jimai mari. Ñã jiina mari jichꝛ ñꝛꝛo tiro marine yꝛꝛhdꝛchꝛ yoare.

¹⁶ Ñã yꝛꝛhdꝛchꝛ yoaro anjoa sehere yoadohoro taerari jire tiro. Abrahã panamanare Cohamacꝛ yainare mari sehere yoadohoro tari jire.

17 Ñ taro tiro mari coyero warota tari jire. Cãno potori mari yoaro sehe pjacu tiriro tari jire. Ñ taro mari yãhdũhtire mari ñaa yoari buhirire Cohamacure cohã dutiro taro niri jire. Ñ yoaro mari sacerdotia puhto bui puhtoro to yoariro sehe yoaro taro niri jire. Mari yoaro sehe jiro marine noano pja ñuna. Ñ yoa marine noano yoadohora. Ñ jiro tiro mari sacerdotia puhto ti bui puhtoro jiro nina Cohamacure dahra cohtariro jiro.

18 Tiro ñano yãhdũri jire. Ñ jiro watĩno tirore ñano yoa dutimari jire. Yoerari jire tiro. Ñ ñaare yoerariro jiro, tiro sehe mari cũhare ñaare yoerachũ yoa masina. Watĩno to ñaare to yoa dutichũ ñũno marine ñaare yoerachũ yoa masina Jesu.

3

Jesu Moise cjiro bui jiriro jira

1 Jesu to ã jiriro jichũ ñuna tirore noano wacũga mũsa. Yũ coyera Jesu yaina, Cohamacũ to beseina jira mũsa. Tiro Jesu sehe Cohamacũ to warocariro jiro mari sacerdotia puhto ti bui puhtoro jira. To buheare noa buheare mari quihõno tãho, buheja. Tiro sehe Cohamacũ warocariro, mari sacerdotia bui puhtoro to jia tiare noano wacũga mũsa.

2 Cohamacũ tirore marine to yãhdũchũ yoahore to cũchũ tiro sehe to cũriro sehta yoari jire. Ne yãhdũrũcaerari jire. Moise cjiro cũhũ Cohamacũ yaina Israe masare yoadohoro ne yãhdũrũcaerari jire. Ñta yoari jire Jesu cũhũ.

3 Moise cjirore ti ño payoriro yãhoro Jesu sehere ño payoro cahmana marine. Õ sehe jira tí

mari piti dahre buhech_u: W_uh_ure mari ño payoriro y_uhdoro w_uh_u dahreriro sehere ño payoro cahmana marine. Ñ jiro Jesu sehe w_uh_u dahreriro yoaro sehe jiriro to jich_u Moise cjirore mari ño payoriro y_uhdoro tiro sehere ño payoro cahmana marine.

⁴⁻⁶ Õ sehe jira ti: Mari Cristo yaina Cohamac_u ya curua macaina jija. Cristo sehe w_uh_ure to cūboriro sehetā marine to ya curua macaina cjihtire cūno nina. Masa sehe w_uh_use yoaina jira. Cohamac_u sehe jipihtiare yoariro jira. Moise cjiro sehe Cohamac_u ya curua macainare yoadohorucuriro jiro, baharop_u Cohamac_u to yahuhtore yahua tiri jire masare. Cristo sehe Cohamac_u mac_uno jiro, Cohamac_u yare yoarucuriro jiro, Cohamac_u ya curua macaina bui p_uhtoro jira. To ã jiriro jich_u ñ_una Moise cjirore mari ño payoriro y_uhdoro Cristo sehere ño payoro cahmana marine. Ñ jina mari sehe Cristore wacū tua duhuerana, marine to y_uhd_uch_u yoah_uto ã wahcherucuna to ya curua macaina jija mari.

Cohamac_u to yainare tiro mehne ti noano soch_u cahmana

⁷ Ñ jina Cristore mari wacū tua duhuerah_uto ò sehe yoaro cahmana marine. Õ sehe nina Espíritu Santo:

“Michare y_uh_u Cohamac_u m_usare y_u yahuch_u,
y_uhti duaeraina jiena tjiga.

⁸ Noano y_uhtiga m_usa y_uh_ure.

Panop_u Israe masa masa marienop_u jia, ãta y_uhd_ur_ucarucure y_uh_ure.

Ñ jina tina yoaro sehe yoaena tjiga m_usa y_uh_ure.

9 Τόρῃρε cuarenta cahmari waro tinare yᵐ tuaa mehne yoa ñomai.

Yᵐ ã yoa ñopachᵐta tina sehe õ sehe ni tᵐhotua timare: ‘¿Ñaaare mari yoachᵐ ñᵐno Cohamacᵐ marine buhiri dahrebocari?’ ni tᵐhotua timare.

Ã ni tᵐhotua ñano yoa ñᵐa tire.

10 Ti ã yoachᵐ ñᵐᵐ tina mehne suai.

Ã suacᵐ õ sehe nii: ‘Tina yᵐ durucuare tᵐho duaeraa, soro jia buheare ã wacᵐmacarucua nina.

Ya sehere ne yᵐhti duaerara’, nii tinare.

11 Ã jicᵐ tina mehne suacᵐ õ sehe ni yahui: ‘Tina yᵐᵐ mehne macaina ne jisi.

Ã jia warᵐ tiro marieno jisi tina’, ni yahuri jire Cohamacᵐ”, niri jire Espíritu Santo sehe.

12 Ã jina yᵐ coyea, noano yoaga mᵐsa, “Cohamacᵐre cohãri”, nina. Mᵐsa ñaaare tᵐhotuna, Cohamacᵐre catirirore wacᵐ tuaerana, tirore cohãboca mᵐsa. Ne cᵐiro mᵐsa mehne macariro ã yoaero tjijaro.

13 Ã jina ahri sehere yoaro cahmana mᵐsare: Mᵐsa mehne macainare dachoripe Cohamacᵐ yare mᵐsa basi cahma durucuga “Ñaaare yoari”, nina. Ñaaare yoana, “Tí mehne wahcheja” nina, mahñoare tᵐhotuna nija mari. Ã ni tᵐhotuena tjiga. Ñaaare yoarucuna Cohamacᵐ ya sehere ji coaeraja mari. Ã yoana ñaaare duhu duaeraja. “Ã yoari” nina, mᵐsa mehne macainare Cohamacᵐ yare mᵐsa basi cahma durucuga. Cristo to tahto pano dachoripe tíre ã cahma durucurucuga.

14 Wahmanore Cristore mari wacũ tua ducariro seheta tó seheta mari wacũ tuarucuna, mari catiro puro to yare duhuerana, tiro mehne macaina jija.

15 Õ sehe nina Cohamacu yare ti joari pũi:
 “Michare yuhu Cohamacu musare yu dutichu
 noano yuhtiga musa yuhure.
 Panopu macaina Israe masa yu yahupachuta ño
 payo duaeraa, yuhure yuhti duaerare.
 Ñ jina tina yoaro sehe yoaena tjiga musa, niri jire
 Cohamacu”,
 ni joaa tiri jire panopure.

16 Ñ yoa Cohamacu to yahurire tuhomarina jipahta tina tirore yuhtierari jire. Tina jipihtina Egip-topu jiina Moise to na wiorina jipahta tirore ne yuhtierari jire.

17 Ñ jia ã ñano yoarucua, cuarenta cahmari waro Cohamacure suachu yoa mujaa tiri jire. Ti ã yoari buhiri masa marienopu yariari jire tina.

18 Tirore ti ã yuhti duaerachu ñuno õ sehe cua pisaro mehne niri jire tiro: “Tina yuhu mehne macaina ne jisi. Ñ jia wapu tiro marieno ne jisi tina”, niri jire tiro.

19 To ã nichu tuhona ahri sehene masinahca mari: Tina Cohamacure ti wacũ tuaerari buhiri tiro mehne macaina ji masierari jire. Ñ jia tiro mehne noano so masierari jire.

4

1 Ñ jiro panopu macainare tiro mehne ti noano sohtore cahmano, tinare “Yuhu mehne wapu tiro marieno sonahca”, ni cũri jire Cohamacu. Mari cahure ãta ni cũri jire tiro. Ñ jina cuaro mehne

Cohamacu re yuhducaena tjijihna mari, “Cohamacu yare yoa moñori”, nina. Ñ yoa moñona tiro mehne noano sosi mari.

² Panopu macaina cjiri Cohamacu yare ti tuhoriro seheta mari cuhu noaa buheare tuhohi. Tina taho mahtaina cjiri sehe taho, “Cohamacu ya waro jira”, ni tuhoturari jire. Ñ jia ti tuhori cjiri yaba cjihti jierari jire.

³ Mari sehe tirore wacu tuana Cohamacu mehne macaina jija. Ñ jina tiro mehne noano jinocahna, tiro mehne sonahca. Wapu tiro marieno jinahca. Cohamacu to niriro seheta jira ti. Ñ sehe niri jire tiro tirore yahrtieraina cjirire:

“Tina mehne suacu cuaro mehne ñ sehe ni yahui:
‘Tina yuhu mehne macaina ne jisi.

Ñ jia wapu tiro marieno ne jisi’, ni yahui”,
niri jire Cohamacu yare ti joari pui. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro.

⁴ Ahrire mari masija. Seis dachori ahri yahpare to yoari baharo to dahra duhuri yahuro ñ sehe niri jire Cohamacu ya durucuaru ti joari pui:

“Seis dachori baharo jipihtiare to dahraare pahñono, Cohamacu dahra duhuri jire”,
niri jire to yare ti joari pui.

⁵ Ñ yoa pari turi Cohamacu yare ti joari pui ñ sehe ni yahura tiro mehne noano jierainare:

“Tina yuhu mehne macaina ne jisi.

Ñ jia wapu tiro marieno ne jisi, niri jire Cohamacu”,
nina to yare ti joari pui.

6 Noaa buheare tũho mũhtaina tirore ti yũhdũrcari buhiri tiro mehne macaina jisi tina. ã jia tiro mehne wapũ tiro marieno jisi tina. Paina sehe tiro mehne macaina jiahca. ã jia tiro mehne wapũ tiro marieno soina jiahca.

7 ã jiro masare to yũhdũchũ yoahti dachori paye dachorire cũri jire pari turi Cohamacũ. Tĩ dachorita mipũre jira. Payũ cũhmari baharo Israe masa cjiri Cohamacũre ti tũho mũhtari baharo tí dachorire yahuri jire Davi cjiro sehe. Cohamacũ tirore to yahu dutichũ yahuri jire tiro. Cohamacũ ya durucua ti joarire mũsare yũ yahua dachorire õ sehe ni joari jire Davi cjiro:

“Ahri dachorire yũhũ Cohamacũ mũsare yũ yahuchũ yũhdũrcaro marieno noano yũhtiga mũsa yũhũre”,
ni joari jire panopũre.

8 Tĩ pjapũre Josué cjiro Israe masare Cohamacũ to wari yahpai na sũri jire. “Yũhũ mehne wapũ tiro marieno soina jiahca” nino, tí yahpai ti sohtore nino nierari jire Cohamacũ. Tĩ yahpai so dutiro, paye dachori to yũhdũchũ yoahti dachorire cũeraboia tiro.

9 Wiho mejeta seis dachori baharo ahri yahpare to yoari baharo Cohamacũ to dahra duhuriro seheta mari to yaina cũhũ tiro mehne wapũ tiro marieno mari sohto jirohca. Tiro mehne mari noano jihto jirohca.

10 Cohamacũ sehe to dahrarire duhunocasiniri jire. Tó seheta tiro mehne soina cũhũ mari wapũ tirire duhunocanahca.

11 ã jina mari to yaina noano yoajihna. Cohamacũ yare noano yũhtijihna tiro mehne mari noano

sohto sehe. Panop_u macaina mari coyea cjiri ti y_uhd_ur_ucari baharo Cohamac_u mehne macaina ji masierari jire tina. Tina yoaro sehe yoena tjijihna mari.

¹² Cohamac_u ya durucua marine catich_u yoara. Noaa sehere marine cohtotach_u yoara. ã jia to ya durucua wiho jia jierara. ã yoa ñosari pjĩ p_u b_uh_useheri siori pjĩ mehne dihirore ti yihso ñ_u ti masirore sehetã to ya durucua c_uh_u mari jia tiare noano masich_u yoara. To durucua mari t_uhoch_u, tíre mari buhech_u mari jia tiare, mari t_uhotua c_uh_ure noano masi pahñoch_u yoara marine.

¹³ Ne Cohamac_ure mari jia tiare mari dohse yoarire n_uo masieraja mari. Jipihtiare to bajuamehnerire, to bajuamehnerina c_uh_ure ñ_una tiro. ã jina mari yoarire tirore yahu y_uhd_uro cahmana marine.

Jesu tuariro mari sacerdotea p_uhtoa bui p_uhtoro jira

¹⁴ Jesu Cohamac_u mac_uno to P_uc_uro cahap_u tjuariro jira. Tiro tuariro mari sacerdotea p_uhtoa bui p_uhtoro jira. ã jiro marine Cohamac_ure sini payora. To ã jirore jich_u ñ_una mari sehe to yare noano y_uhtijihna. Tirore noano wac_u tuarucujihna.

¹⁵ Tiro mari sacerdotea p_uhtoa bui p_uhtoro mari ñ_uno y_uhd_uch_u ñ_uno noano pja ñ_uriro jira. Mari ñ_uaa goa pjaare masina tiro. Wat_uno jipihtiare ñ_uaa marine to yoa dutiriro sehetã tiro c_uh_ure ñ_uaa yoa dutimari jire. To ã yoa dutipach_uta tiro ñ_uaa

yoaerari jire. Ñ ñaare to yoa dutimariro jiro, marine pja ñano tiro yoadoho masina marine.

¹⁶ Ñ jina cuiro marieno Cohamacure sinijihna. Tiro marine cahina. Ñ jiro tirore mari sinichu tiro sehe pja ñano, marine yoadohorohca. Watino marine to ñaare yoa dutichu, mari ñano yuhduchu cūhare tiro marine yoadohorohca.

5

¹ Sacerdotea puhtoa bui puhtoro besero, masunore besera Cohamacu. Ñ to beseriro jiro sacerdotea puhtoa bui puhtoro sehe tiro mehne macainare yoadohoro taro, Cohamacure dahra cohtariro jira. Ñ jiro ti ñaare ti yoari buhiri Cohamacure sinibasara tiro mehne macainare. Wahiquirore wajã jũ muno, Cohamacure sinibasara.

² Sacerdotea puhtoa bui puhtoro paina masa yoaro sehe noano masi pahñoerariro jira. Ñ masi pahñoerariro jiro paina masierainare yoadoho masina. Ñ jiro noano yoaeraina cūhare noano yoadoho masina.

³ Ñ jia sacerdotea noano yoa pahñoeraina jia ñaa buhiri tiina jira tina cūhu. Ñ jia ti basi ti ñaare ti yoari buhiri wahiquirore wajã jũ mo, Cohamacure sinina. Paina masare yoadohoa taa, ti ñaa buhiri ti sinibasariro seheta ti basi ti ñaa buhiri cūhare sinina Cohamacure.

⁴ To basi to mu saro sacerdotea puhtoa bui puhtoro sāaerara. Cohamacu sehe tirore besero, sacerdotea puhtoa bui puhtoro sōna. Panopu macariro Aarõ cjirore to cūriro seheta paina sacerdotea puhtoa bui puhtoro cūhare cūna tiro.

⁵ Tó seheta Cristo cãhũ to basi to mũ sũro sacerdotea pũhtoa bui pũhgoro sãaerari jire. Cohamacũ sehe tirore pũhto sũno, õ sehe niri jire:

“Yũ macũ jira mũhũ.

Michare yũ macũ mũ jiare masichũ yoaihca”,
niri jire Cohamacũ.

⁶ Pa tehe õ sehe niri jire Cohamacũ Cristore:

“Jipihtia dachoripe sacerdote jirucuihca mũhũ.

Melquisede to jiriro seheta sacerdote jirucuihca
mũhũ”,

niri jire to macũnore.

⁷ Cristo ahri yahpai jiro saũurucua mehne, yahco mehne Cohamacũre tuaro siniri jire tiro “Yũhũre masoga”, nino. Cohamacũ sehe tirore yariarore maso masiro jira. To ã sinichũ Cohamacũ tũhori jire tirore. Cohamacũ cahmaa dihtare to yochũ ñũno Cohamacũ sehe to sinire tũhoro, tirore yũhtiri jire.

⁸ Cristo Cohamacũ macũno jiparota ñano yũhdũri jire tiro. ã ñano yũhdũro yũhtiri jire Cohamacũre. ã yũhtiro noano yũhtiare masiri jire.

⁹ ã ñano yũhdũro, crusapũ yariaro jipihtina tirore yũhtihtinare yũhdũchũ yoahiro wahari jire.

¹⁰ ã jiro Cohamacũ sehe tirore sacerdotea pũhtoa bui pũhgoro cũri jire. ã jiro Melquisede sacerdotea pũhgoro to jiriro seheta jira Cristo.

Cristo yaina tirore wacũ tua duhuchũ cua nina

¹¹ Payũ õ sehe jiare mũsare yahu namo duaja sã. Sã ã yahu namo duapachũta mũsa sehe dapu bũtiina jira. ã jina mũsare sã yahuchũ mijo nina sãre.

¹² Yoari pja Cristo yaina jimana m_{usa}. ã jina mip_{re} painare buheinap_u ji tuhs_uboa m_{usa}. M_{usa} ã jiinar_u jiborina jipach_uta paina m_{usa} sehere buheahca tjoa. Cohamac_u yare mijoera curea buhea dihtare t_uhora m_{usa}. Wihãinacã p_êcho dihtare ti sihni masino seheta m_{usa} cãh_u mijoera curea dihtare noano t_uhora. Wahma buhe d_ucaina yoaro sehe jira m_{usa}.

¹³ P_êcho sihniina wihãinacã jisina. Tina yoaro seheta m_{usa} cãh_u jira mijo cureare t_uhoerana. “Ahri ñaa jira. Ahri noaa jira”, ni bese masierara m_{usa}.

¹⁴ Ch_uare ch_uina sehe b_uc_una jira. Tina yoaro sehe j_uina noano t_uho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² ã jina Cohamac_u yare noano masiina, noano y_uhtiina jijihna. Cristo yare wahmanore mari buhe d_ucana ò sehe masi d_ucai: Mari m_us_uro mari yoaa yaba cjihti jierara. Mari noano yoaa mehne y_uhd_usi mari. Cohamac_ure wac_u tuaro cahmana marine. Ahrire wahmanop_ure buhe d_ucare marine. ã jia bautisaare, wamomacarire marine ti duhu payoare, yariaina ti masa m_ujaare, ahri dacho to pihtiri baharo Cohamac_u to buhiri dahretore, to buhiri dahretina ti ñano y_uhd_urucuhto cãh_ure ahri cãh_ure wahmanop_ure marine buhe d_ucare. Ò sehe jia buheare masi tuhs_u, paye sehere noano buhe namojihna tjoa.

³ ã jina Cohamac_u to cahmach_u ãta yoanahca mari.

4 Mari ã yoaerana Cohamacu yare duhuboca mari. Cohamacu yare masiina jipahta tíre duhuinare ne pari turi pano ti ñaa tuhotumarire cohtotachu yoa masierara. Tó sehe jiina Cohamacu tinare to noano yoahore masia, Espíritu Santo to yoaa tiare mahanocã masimare.

5 ã yoa Cohamacu ya durucua tuhoa noaa durucua ti jichu masimare. Tuhsu, pihtiri dacho baharopu Cohamacu to tuua mehne mari ã jirucutore, masare to buhiri dahrehto cãhure tina masimare.

6 ã jiiñapure Cristo yare duhurinare pari turi ti ñaa tuhotumarire tinare cohtotachu yoa masierara. Tó sehe yoaina Cohamacu macunore pari turi crusapu ti cã puharo seheta tirore yoaa nina. Ti ã yoachu ñua paina masa Cristore bujupera. Ti ã yoachu tinare ti ñaa tuhotumarire tinare cohtotachu yoa masierara.

7 Õ sehe jira tí mari piti dahre buhechu: Noari yahpare pjíro coro tachu tí toaa noano du, dicha tira. ã jiro tí wese puro dichare cãhara to chuhtire. Tí yahpa Cohamacu noano to yoari yahpa jira. (Tó seheta noano yoara tiro to yaina cãhure.)

8 Wiho mejeta agã pota mehne, tja mehne tí yahpa diaro yaba cjihti jierara. ã jiri yahpa Cohamacu to jã cohãhti yahpa jira. ã jiro tí yahpare jãnocanohca. (Tó seheta yoara tiro tirore duhuinare.)

Cristore ã ño payorucuinare yuhduchu yoara Cohamacu

9 Yu cahãina, musare ã ni yahupaihta musa sehere “Cristore duhuina jira”, nii nieraja. Musa

sehe Cristo to yuhduchꝝ yoaina jira. ã jina noaare yoana nica mꝝsa. Tíre masija yuhꝝ.

10 Noano mari yoari wapa quihõno marine noano yoariro jira Cohamacꝝ. ã jiro to yare mꝝsa tuaro dahrari wapare bosì tiro. Tirore cahña noano yoadohore mꝝsa tirore. Paina Cristo yaina cãhure yoadohore mꝝsa. ã yoa tinare yoadohosinina nica mꝝsa. ã yoaina mꝝsa jichꝝ ñno bosì tiro.

11 Mꝝsa catisinino puro painare mꝝsa cahñrucuchꝝ, mꝝsa yoadohorucuchꝝ cãhure cahmaja sã, baharopꝝ Cohamacꝝ yare mꝝsa duhuri nina. Mꝝsa ã noano yoachꝝ ñno noano yoarohca Cohamacꝝ mꝝsare.

12 ã jina mꝝsa capa bujina mꝝsa jichꝝ cahmaeraja sã. Paina Cristo yaina ñno yuhdupahta to yare ne duhuerara. Tí ã yoachꝝ ñno Cohamacꝝ “Mꝝsare waihtja”, to nirire tinare wa pahñonohca. ã jina mꝝsa cãhꝝ tina yoaro sehetã yoarucuga.

13-14 Panopꝝ Cohamacꝝ Abrahã cjirore õ sehe ni cãa tiri jire: “Yꝝ wama mehne ahrire potocã nii nija mꝝhure. Mꝝhure noano yoaihtja. ã yoacꝝ mꝝ panamana ji turiainapure payꝝ masa jichꝝ yoaihtja”, ni yahu cãa tiri jire Cohamacꝝ Abrahã cjirore. ã ni yahu cãno to ya wama mehne ã ni yahuro niri jire. Pairo tiro bui jiriro ne mariachꝝ to ya wama mehne to basita ã ni yahua tiri jire.

15 “Mꝝhure noano yoaihtja”, Cohamacꝝ to ni cãrìre Abrahã cjiro sehere noano to cohtachꝝ ñno to niriro sehetã tirore noano yoaa tiri jire.

16 “Cohamacꝝ mehne potocã nina nija”, masa sehe nia, tina ti bui jiriro wama mehne ã ni yahua nina. “Cohamacꝝ mehne potocã nii nija”,

cãiro to nichu tãhoro tiro paio mehne cahma sayoriro “Potocã tjira”, ninohca. ã jia cahma sayo duhuahca tina.

17 Cohamacu Abrahãre “Muhure noano yoaihtja”, ni cõno to ya wama mehne ã ni yahua tiri jire. To ã ni yahurire tãhona “Potocã tjira tí. ã yoa to niri ne cohtotasi” ni, masija mari. Tíre mari masihto sehe to ni cõri mehne “Yuh wama mehne potocã nii nija”, ni yahua tiri jire Cohamacu.

18 ã jiro puaro to ni durucuri mehne potocãta to nirire masichu yoari jire Cohamacu marine: To ni cõri cãhu “Yuh wama mehne potocã nii nija”, to ni yahuri cãhu tí puaro mehne to ni durucurire yahua tiri jire tiro. To ni cõri cãhu, “Yuh wama mehne potocã nii nija”, to ni yahuri cãhu ne cohtotaerara. Cohamacu ne mahñoerara. To ã jiriro jichu masina, marine to yoadohohtore macana, tirore noano wacũ tuana, wahchea mehne marine to yuhduchuh yoahtore cohtanahca mari.

19-20 ã to yuhduchuh yoahtore cohtana, wacũ tuaina jija mari. ã jina cuieraja. Sacerdotea puhto bui puhtoro Cohamacu to jiri tahtia waropu sãano, ducataru suhtirore yuhdu sãahna. ã sãano masa ya cjihtire sini payobasara Cohamacure. To ã yoariro seheta Jesu cãhu baharo mari wahahto seheta manopu Cohamacu cahapu waharo, mari ya cjihtire sini payobasara Cohamacure. Tõpu mari wahahto pano tiro sehe wahari jire. ã jiro jipihtia dachoripe sacerdotea puhto bui puhtoro jira tiro. Melquisede sacerdote to jiriro seheta sacerdotea puhtoro jirucura tiro cãhu.

7

Melquisede sacerdote to jiriro seheta Jesu sacerdote jira

¹ Melquisede cjiro sehe Salē wama tiri maca macaina bui p̄htoro jia tiri jire. Sacerdote jiro Cohamacu tuarirore, m̄ano macarirore sini payobasariro jia tiri jire. Ā jiro paina p̄htoare Abrahā cjiro cahma wajā ȳhd̄r̄ca tuhsu, to tjua tachu waro Melquisede cjiro to ya macai jiriro Abrahā cjirore piti bocaro s̄a tiri jire. Ā piti bocaro tirore sini payobasaa tiri jire Cohamacure: “Noano yoaga ahrirore”, ni sini payobasaa tiri jire Cohamacure Abrahā cjirore.

² To ā piti bocahto pano Abrahā cjiro sehe tirore ñu tuhtiinare wajā tuhsu to wajārina cjiri p̄htoa yare naa tiri jire. To ā nari cjirire mahanocā waa tiri jire Melquisede cjirore. Cohamacu to dutiriro purocāta mahanocā waa tiri jire Melquisede cjirore. Melquisede cjiro to wama sehe “Bui p̄htoro noano yoariro jira”, nino nina. Tiro cjiro Salē wama tiri maca macaina p̄htoro to jichu to wama ō sehe nino nina: “Bui p̄htoro noano jichu yoariro”, nino nina. “Salē” nino, “Noano jia”, nino nina.

³ Ne Melquisede cjiro p̄cusumare, to pano ji m̄htainare to coyeare ti yahu joa ōri mariahna. To masa bajarire, to yariari c̄hure yahu joa ōri mariahna. Ā jiro ā jirucuriro yoaro sehe jira tiro cjiro. To ā jiriro jichu Cohamacu tiro mehne marine piti dahre buhera. Cohamacu to macano to sacerdote to jirire marine buhera. Melquisede cjiro sacerdote ā jirucuriro yoaro sehe jira. Tiro

yoaro seheta Cristo cãhũ sacerdote ã jirucuriro jira.

⁴ ã jiro Melquisede ne wiho jiro jiera tiri jire. Abrahã mari ñhchũ cjiro pãhtoro waro jiparota mahanocã to tjua narire tiro sehere waa tiri jire. Mahanocã waa tiri jire Melquisedere.

⁵ ã jia Cohamacũ dutia Moise cjirore to cũri dutia jipihina paina Israe masare tó purota wapa dutira. ã dutiro Leví panamana ji turiainare ti coyeya waparire ñaha dutiro, cũa tiri jire. Leví panamana sacerdotea wahaa tiri jire. ã jia Israe masa Abrahã panamana ji turiaina jipahta ti sacerdotearo wapa tiri jire.

⁶ Melquisede sehe Leví panamino ji turiaro jieraparota wapa naa tiri jire Abrahãre. Cohamacũ “Mũhũre noano yoaihtja”, to ni cũriro jiparota Abrahã sehe Melquisedere wapa tiri jire. ã jiro Melquisede sehe Cohamacũre Abrahãre sini payobasaro noano yoa dutia tiri jire.

⁷ Noano yoa dutiro Melquisede cjiro sehe to noano yoa dutiro bui Abrahã bui jira. Tíre mari noano masija.

⁸ Mari mehne macaina sacerdotea marine mahanocã wapa naina mari yoaro seheta masa jira. ã jia variahtinata jira tina cãhũ. Ahriro Melquisede sehe Abrahãre mahanocã wapa nariro cjiro ã catirucuriro yoaro sehe jira, mari piti dahre buhechũ. To yariarore yahueraro, ãta nino nia tiri jire Cohamacũ yare ti joari pũ.

⁹ Mipũ macaina Leví panamana ji turiaina sacerdotea jia, mahanocã wapa nana. ã jiina ti jipachũta Abrahã Melquisedere mahanocã wa-

paro jipihtina Leví panamana ji turiaina ya cjihti cãhure wabasaro sehe yoaro nia tiri jire. ã jia tina cãhure Melquisedere mahanocã wapaina yoaro sehe jira.

10 Melquisedere Abrahã to wapari pjare Leví sehe masa bajuerasinia tiri jire. ã masa bajuerasiniparota to ñuchuno cjiro Abrahã pjacupure to jiboriro seheta Leví sehe ji tuhsuro nia tiri jire. ã jiro Melquisede Abrahãre to piti bocachure Leví cãhure to ñuchuno cjiro mehne jiro sehe jiro nia tiri jire. ã jia Leví, to panamana ji turiaina mehne Melquisedere mahanocã wapaina yoaro sehe jia, tina to docai jia nia tiri jire.

11 To dutiare cãno Cohamacure Levíre to coyea cãhure sacerdotea ji dutia tiri jire. ã jia to dutia ti niriro seheta tina sacerdotea wahiquinare wajã jã mure, sinibasaa tiri jire Cohamacure masa ya cjihtire. Ti ã yoari mehne mari yuhduna, paio sacerdotere soro sehe jiriro sacerdotere cahma namoeraboia mari. ã jina paio sacerdotere cahmaja mari mipure, Melquisede yoaro sehe jirirore. Leví ya curua macariro Aarõ cjiro yoaro sehe jiina sacerdoteara mipure mari cahmaeraja.

12 ã jina sacerdotere mari cohtotana, marine dutia cãhure cohtotaro cahmana marine. (Sacerdotea ti yoadohoa mehne mari yuhderaro seheta tí dutia mehne mari yuhderaja. ã yoana tí dutiare cohtota pahõno cahmana marine.)

13 Aarõ, Leví cãhure ti ya curua macaina dihtare sacerdotea sãa duti mure tiri jimare Cohamacure to dutiare cãno. To ã dutipachuta mipure mari purõto sacerdote to sõriro pa curua macariro jira.

Tí curua macariro ne sacerdote jierasínire.

¹⁴ Tiro Cristo Juda ya curua macariro masa ba-juari jire. Tíre mari noano masija. Moise cjiro sehe sacerdotea sōno, Juda ya curua macainare ne cāiro sacerdote sōera tiri jire.

¹⁵ Ahrire masina, ò sehe mari noano masija: Mipure wahma to sōriro sacerdote Cristo Melquisede yoaro sehe jiriro jira.

¹⁶ Panopu macaa dutia ti niriro seheta Leví ya curua macaina dihta sacerdotea sãari jire. Mipure to sōriro sacerdote ti yoaro sehe jiriro sacerdote sãaerari jire. Tiro Cohamacu tuaa mehne jipihtia dachoripe jiriro jira. ã jiro tí tuaa mehne sacerdote sãari jire tiro.

¹⁷ Ò sehe nina Cohamacu yare ti joari pūi: “Jipihtia dachoripe sacerdote jirucuihca mahu. Melquisede sacerdote to jiriro seheta sacerdote jirucuihca mahu, nia tiri jire Cohamacu to macunore”, ni joaa tiri jire panopu.

¹⁸ To dutia to cū mūhtari dutiare masa ti bihoerachu yaba cjihti jierari jire. ã jiro tí dutiare duti namoerari jire Cohamacu.

¹⁹ Moise cjirore to cūri dutia mehne ne yūhdūerara masa. ã jiro mipu sehene Cohamacu marine to yūhdūchū yoahore marine cūre. To ã yoachu mipure tiro cahapu waha masija mari. ã yoa tiro mehne durucu masija.

²⁰ ã yoa Cristore sacerdote sōno, “Yū wama mehne potocã nii nija”, nino tirore sōri jire to Pucuro. Paina sacerdoteare tirore to yoiriro sehe wama payo sōerari jire.

²¹ Cristo sehe Cohamacu tuaro to yahuri mehne sacerdote sãari jire. Õ sehe nia tiri jire to Pucuro Cristore:

“Yuhm m̄ p̄htoro yu wama mehne m̄h̄re potocã yahuihtja.

Ahrire ne duhu c̄no marieno yahuja m̄h̄re.

Jipihtia dachoripe sacerdote jirucuihca m̄h̄”,
ni c̄ua tiri jire Cohamacu to mac̄nore.

²² ã “Yu wama mehne potocã nii nija”, to nino mehne c̄no, wahma buheare noaa buheare marine c̄no, marine to yuhd̄ch̄ yoah̄t̄re c̄no nia tiri jire. Panop̄ macaa dutia yuhd̄oro mari noano jihtore c̄no nia tiri jire. ã c̄no Cohamacu “M̄sare yuhd̄ch̄ yoah̄t̄ja”, to niriro seheta yoaro taro, Jesure warocari jire marine yuhd̄ch̄ yoah̄t̄ro c̄jhtore.

²³ Ji m̄htaina sacerdotea ti yariach̄ ñaa paina cohtota sãana tjoa. ã jia tina payu sacerdotea wahara.

²⁴ Jesu sehe ã jirucura. ã jia tirore cohtotaina mariaha sacerdotea.

²⁵ ã jiro tiro ã jirucuro, Cohamacure ã sini payobasarucura to yaina ya c̄jhtire. ã yoa Cohamacu mehne ti ã jirucuhto sehe masare yuhd̄ch̄ yoa masina tiro. Jipihtina tirore wac̄u tuaina Cohamacu cahap̄ wahaahca. ã jiro Jesu jira pototi tinare yuhd̄ch̄ yoariro.

²⁶ ã jiro Jesu jira mari sacerdotea p̄htoa bui p̄htoro. Tiro pinihtare tuaro cahmaja mari. Ne ñaa buhiri marieriro jira tiro. Masa yoaro sehe ne ñaare yoaerare. ã jiro Cohamacu tirore ñaina cahai

jirirore naahno, m̄anop̄ cū, jipihtina paina bui p̄htoro sōri jire.

²⁷ Paina sacerdotea yoaro sehe jierara tiro. Tina sehe dachoripe wahiquinare wajā, jū m̄oa, Cohamac̄re sinia tihre. Ti basi ti ñaa yoari buhirire sini m̄htāa tihre. Baharo paina masa ti ñaa buhiri cūh̄re sinibasaa tihre tina. ã jia paȳ tahari tina Cohamac̄re sinia tihre. Jesu sehe sacerdote jiro, cū tahata to yariaa mehne siniri jire Cohamac̄re masa ti ñaa buhirire cohãno taro. ã yariaro to basi to pjac̄re to catia cūh̄re Cohamac̄re to waboriro seheta yoaro niri jire.

²⁸ Cohamac̄ dutia Moise cjirore to cūri cjiri sacerdotea p̄htoare sãa dutira. ã sãapahta ñaa marieina jierara ã sacerdotea sãa. Tí dutia baharo jia buhea mehne Cohamac̄ “Ȳ wama mehne potocã nii nija”, to nino mehne to yahuri buhea mehne to mac̄no sacerdotea p̄htoro sãari jire. Tiro sehe ñaa marieriro ã jirucura.

8

Cohamac̄ “M̄sare ȳhd̄ch̄ yoaihtja”, ni cūha tjoa Moise cjirore to cūrire cohtotaro. Tíre yahubasariro jira Jesu

¹ Tí jipihtiare yahuna, ahri pinihtare m̄sare yahuna nija: M̄sare sã yahuriro sacerdotea p̄htoa bui p̄htoro tiro pini mari yairo waro jira. M̄anop̄ Cohamac̄ tua ȳhd̄ariro to p̄htoro dujiro cahai to poto b̄h̄sehei dujira Cristo mari sacerdotea p̄htoro.

² ã jiro ahri yahpa macari w̄h̄i, masa ti yoari w̄h̄i sacerdotea dahraare yoaerara tiro.

Muanopu jiri wuhupure mari puhtoro to yoari wuhupure sacerdotea dahraare yoara tiro. Tí wuhu pinihta Cohamacu waro ya wuhu jira.

³ Jipihtina ahri yahpa macaina sacerdotea puhtoa wahiquirenare wajã jã mhoa, wara, Cohamacure ño payoa. Áta yoa dutia tiri jire tinare. Mari yairo sacerdote cãhure wa dutia tiri jire Cohamacure mari ño payohto sehe. Mari ñaa buhirire tirore wa dutia tiri jire. ã jiro Cristo mari ñaa buhiri yariaro wahchechu yoari jire Cohamacure sacerdotea puhtoa Cohamacure waa ti wahcheriro seheta.

⁴ Mari judio masa mari dutia ti niriro seheta ahri yahpau sacerdotea masa ti ñaa buhirire wara Cohamacure sinia. Ahri yahpau sacerdotea ji tuhsura. ã jiro Jesu sehe mari yairo sacerdote ahri yahpau jisninino, sacerdote jierabo tiro sehe.

⁵ Ahri yahpa macaina sacerdotea ti dahraare ahri yahpa macari wuhuihta dahrara. Tí wuhui Cohamacure ti ño payorire ñuna mano macari wuhupure tirore mari ño payohtore masi cureja. “Tí wuhu yoaro sehe jira”, nino nia tiri jire Cohamacu tãcui Moise cjirore to wuhure dahre dutiro. To ã dahrehto panocã Cohamacu õ sehe nia tiri jire tirore: “Tãcui muhure yu ñoriro seheta tí wuhu to jiriro seheta yu ya wuhure quihõno dahrega”, nia tiri jire Cohamacu tirore.

⁶ Mipu sehene Jesu sacerdote jiro to dahraa paina sacerdotea ya dahraa yuhdoro jira. Wiho waro jierara. Cohamacu marine “Musare yuhduchu yoaihtja”, to ni yahuri cjiri panopu macaa dutia Moise cjirore to cãri dutia yuhdoro

jira. Marine to yahuri cjiri tí dutia yǎhdoro marine noano jichǎ yoaaħca. Ǻ jiro marine Cohamacǎre yǎhdǎchǎ yoabasariro jiro, Cristo sehe paina sacerdotea yǎhdoro jira.

⁷ Wahmanopǎre to dutiri cjiri mehne mari yǎhdǎeraja. Tí dutia mehne mari yǎhdǎchǎ, paye buheare cǎeraboa Cohamacǎ.

⁸ Wiho mejeta tí dutiare ti yoa pahño masierarire yahuro ǔ sehe nia tiri jire to yainare Israe masare:

“Ǔ sehe nina mari pǎhtoro: ‘Noano tǎhoga.

Baharopǎ paye buheare “Ǔ sehe yoadohoihtja mǎsare”, ni yahuihtja yǎ yainare Israe masare, Juda ya curua macaina cǎħure.

⁹ Tí buhea ti ñǎchǎsǎma cjirire yǎ yahu cǎri cjiri yoaro sehe ne jisi.

Yǎ basi tinare Egipto yahpai jǎinare na wiocǎ tinare yahumai.

Yǎ ǎ ni yahurire yǎhdǎrǎcare tina.

Ti ǎ yoachǎ ñǎchǎ tinare ǎ ñǎnocahi.

¹⁰ Ǻ jicǎ baharopǎ Israe masare ǔ sehe ni yahuihtja: Yǎ dutiare tinare wacǎchǎ yoaihtja.

Ǻ jia yǎ dutiare yǎhtiahca.

Ǻ jicǎ yǎħǎ Cohamacǎ ti pǎhtoro, tinare ñǎ wihboriro jiihtja.

Tina sehe yǎ yaina masa jiahca.

¹¹ Ǻ jia tí pjare tina mehne macainare ne tina ǔ sehe cahma nisi: “Mari pǎhtorore Cohamacǎre masiga mǎsa”, ne ni cahma buhesi.

Tina jipihtina yǎħǎre masi tuhsǎħca.

Wihãinacã, bucuna cũhũ yũhũre masiina dihta jiahca.

¹² ã jicũ ti ñaa yoari buhirire boihca yũhũ.

Tinare buhiri dahresi yũhũ.

Ti ñaa yoari buhirire pari turi wacũsi yũhũ', nia tiri jire mari pãhtoro",

nina Cohamacũ yare ti joari pũi.

¹³ Mipũre marine wahma buheare cũno, panopũ macaa dutiare duhuro nire. ã yoa mũna dutia cjirire mahanocã to duhuri baharo tí dutia cjiri cohtotaa wahara.

9

Ahri yahpa macari tahtiare mũano macari tahtia cãhũre Cohamacũre ño payori tahtiare yahuha

¹ Wahmanore Cohamacũ to dutiare Moise cjirore cũno masa tirore dohse ti ño payohto cãhũre cũa tiri jire. ã yoa Cohamacũre ti ño payohti wũhũ cãhũre yoa dutiro cũa tiri jire.

² Tí wũhũ wahiquina cahsari wũhũ jia tiri jire. Pũa tahtia cjũaa tiri jire. Pjiwacũri tahtia ti sãa sũ mũhtari tahtia Cohamacũ ya tahtia wama tia tiri jire. Tí tahtiai ti sihã buhriadu jia tiri jire. ã jiro mesa cãhũ jia tiri jire. Tí mesa bui Cohamacũre ti wari pão pisaa tiri jire.

³ Pa tahtia suhti cahsari mehne ti dũcatari tahtia jia tiri jire. Tí tahtia Cohamacũ to jiri tahtia waro wama tia tiri jire.

⁴ Tí tahtiai uru mehne ti yoari altar, inciensore ti jũ mũori altar jia tiri jire. ã yoa uru noaa mehne ti duhu õri caro tói coãa tiri jire. Tí caro puhichapũ uru wahwa maná wama tia chũa posa tiri wahwa

jia tiri jire. ã jiro tí caro puhichap_u Aarõ to tjuad_u cjiro pûri tid_u jia tiri jire. ã yoa p_ua pjĩ tãa pjĩni Cohamac_u to dutiare to joa õa pjĩni cãh_u tí caro puhichap_u sãa tiri jire.

⁵ Tí caro bui p_uaro anjoa mas_u jia tiri jire. Tí mas_u Cohamac_u to si siteare, tí tahtiai to jiare ñoa nia tiri jire. Tí caro mohano bui ti w_ua d_up_uri mehne mohaa tiri jire. Tí caro mohano bui masa ñaa buhirire ti warire wajã site payoa tia tiri jire sacerdotea p_uhtoro. Tó purota yahuihtja ahri w_uh_u macaare mip_uare.

⁶ ã yoa tí w_uh_ure ti noano cahnori baharo sacerdotea dachoripe ti sãa s_u m_uhtari tahtiai sãa s_u, ti dahraare yoa tia tiri jire.

⁷ Sacerdotea p_uhtoa bui p_uhtoro dihta pa tah-tiap_u sãa tiri jire. C_uhmaripe cã tahata to sãari dacho baroihta sãa tiri jire tiro. ã sãano ti wajãiro wahiquiro ti wariro dire na sãano, Cohamac_ure ño payoa tiri jire. Di marieno ne sãaera tiri jire. To basi wac_uenoca to yoari buhirire, to ñaa buhirire, jipihtina paina Israe masa wac_uenoca ti yoari buhirire, ti ñaa buhirire dire na sãa tiri jire tiro Cohamac_ure sini payoro taro.

⁸ Jipihtia ahri mehne Espíritu Santo õ sehe ni marine buhero nina: Tí w_uh_ui Moise cjirore to cûri w_uh_ui mari ño payosinina, to cûri dutiare yoah-tina jisina, wiho jiina Cohamac_ure ño payona wahaeraboa mari. Sacerdotea p_uhtoa bui p_uhtoro dihta Cohamac_u to jiri tahtia warop_u sãa masina. ã jina wiho jiina ti ño payoa wahaeraro seheta ãta jiboa mari cãh_u Moise cjirore to cûri dutiare cj_uasinina.

9 Ahri jipihtiare Cohamacure ño payori wuhupũ jiare marine cũno, marine mipũ macainare buhero niri jire Cohamacũ. Wahiquinare wajã jũ mhoa, masa Cohamacure ti ño payori mehne ne Cohamacũ cahapũ wahasi. Ti ã yoari mehne ti ñaa yoari buhirire cosawerara.

10 ã wahiquinare waa, ti chũa, ti sihnia, ti pjacũ cosaa, ti õ sehe yoaa mehne Cohamacure ño payoa timari jire. Ahri ti ã yoari wiho warota jira mipũre. ã yoa tí dutia Moise cjirore to cũri dutia marine noaina wahachũ yoaerari jire. Tí dutiare yoapanahata mnanota jirucunocaja mari. Mari tuhotaere cohtotaeraja mari. ã jia wahma buheare Cohamacũ to cũri baharo muna dutia sehe yaba cjihti jierara.

11 Cristo sehe mari sacerdotea puhtoro jiro ta tuhsuri jire. ã jiro marine noaare cũ tuhsuri jire. Cohamacure ño payori wuhũ mnanopũ sacerdotea puhtoro to dahrari wuhũ paina sacerdotea ti dahraa wuhũse yuhdoro noari wuhũ jira. Mmano macari wuhũ jira. Tí wuhũ ahri yahpa macari wuhũ jierara. ã yoa masa ti yoari wuhũ jierara.

12 Cristo mnanopũ Cohamacũ to jiro waropũ cũ tahata sãari jire mari ñaare yoari buhirire Cohamacure waro sehe yoaro taro. Tõpũ mnanopũ õpũ to jiri tahtia waro yoaro sehe jira mari piti dahre buhechũ. ã yoaro cabritoa dire, wachuacã dire na sãa, waerari jire tiro. Tiro sehe to ya di warore Cohamacure to waro sehe yoaro niri jire yariaro. Jipihtia dachoripe Cohamacũ mehne mari jirucuhto sehe to dire cohãri jire. Mari ñaa buhirire yariari jire.

13 “Yariainare pihana m̄usa p̄jac̄u wete tiina jira”, ni c̄ua tiri jire Cohamac̄u Moise cjirore. Tó sehe jia ñaare wete tiare cosawea tiri jire cabritoa dire ti wari mehne. Wach̄ua dire ti wari mehne, wach̄uac̄are ti j̄ari nitine ti wari mehne tó sehe jia ñaare cosawea tiri jire.

14 Tó sehe jia ñaare wahiquina dire ti wari mehne, nitine ti wari mehne ti cosaweriro seheta tí ȳh̄doro Cristo sehe to dire to coh̄ãno mehne mari ñaare yoarire noano cosawe pah̄ñonocahna. Tiro ñaa marieriro jiro, crusap̄u yariaro to basita to p̄jac̄u to catia mehne Cohamac̄ure waro sehe yoari jire. Esp̄iritu Santo ã jirucuriro to yoad-ohoa mehne ã yoari jire tiro. ã yoa mari ñaa yoari buhirire Cristo to cosawech̄u ñ̄no mari ñaa buhirire Cohamac̄u bonocahno, mari ñaa yoarire duhuch̄u yoara. Tí ñaa buhirire cj̄uasinina pichac̄ap̄u wahahtina jimai mari. To cosawerina jina, Cohamac̄u catiriro yare yoaina jija mari.

15 ã jiro “Õ sehe m̄usare ȳhd̄uch̄u yoaihtja”, masare Cohamac̄u to ni yahu c̄uch̄u Cristo sehe to yahuaare yahubasariro jira. ã yahubasara tiro Cohamac̄u to beserinare ȳhd̄uch̄u yoaro taro. To ã ȳhd̄uch̄u yoach̄u jipihtia dachoripe tiro mehne jirucunahca mari to yaina. ã jina mari to yainare Cohamac̄u to wahtire cj̄uanahca mari. Moise cjirore to c̄uri dutia dihta jich̄u masa ti ñaa buhiri jisinia tiri jire. ã yoa crusap̄u yariaro tí pjata ti ñaa yoari buhirire ȳhd̄uch̄u yoari jire tiro to yainare.

16-17 Mas̄uno baharo to coyeare to wahtire joa õyura papera p̄ui. To wahtire yahuro taro joa õyura. Tí p̄ure joa õyuriro to yariaerasinich̄u tí p̄u yaba cji-

hti jierara. To coyea to cjuarire na masierasina. Wiho mejeta, to yariachu ñua tí pui to ni joariro seheta to yare naahca tina.

18 To yariahto pano tí pui to yaba cjihti jieraro seheta yariaro marieno di wijaro marieno Cohamacu Moise cjirore to cūri dutia cūhu ne yaba cjihti jieraboa. Ñ jiro wahiquiro dire sacerdote to wajã siteri baharo to dutiare quihōnota yoaro nia tiri jire.

19 Ñ yoaro ò sehe yoa mūhtaa tiri jire Moise cjiro: Cohamacu to cūri dutiare masare yahu pahñoa tiri jire. Baharo wachuacã dire, cabritoa dire co mehne morea tiri jire. Tuhsu, hisopo wama tidu dūpu mehne oveja pjoari sohãa mehne ti ñimiori pjoarire torëa tiri jire. Tí dūpu mehne dire soharo, Cohamacu dutiare to joari tju bui wajã site payoa tiri jire. Jipihtina masa bui cūhare wajã site payoa tiri jire.

20 Ñ yoaro ò sehe nia tiri jire tiro: “Cohamacu marine to yahuri cjiri to dutiri cjiri ahri di mehne ti potocã jichu masija mari. Ahri dire ñua to niriro seheta marine to yoahire masija mari. Tí dutiri cjirore yuhti dutiri jire tiro marine”, nia tiri jire Moise cjiro.

21 Ñ yoaro masare to joariro seheta Cohamacu ti ño payori wahu wahiquina cahsari wuhare, jipihtia tí wuhui jia cūhare wajã sitea tiri jire.

22 Ñ tjira. To dutia ti niriro seheta payu ñaare di cohãno mehne cosawero cahmana. Mahanocã dūhsaa ñaare paye baro mehne ti cosawechu noana. Ñ jiro Cohamacu mari ñaa yoari buhirire

ne bosì to di cohãerachũ.

Cristo to dire cohãno, to yaina ti ñaa yoari buhirire cosaweha

²³ Tí jipihtia Cohamacũre ti ño payori wũhũ, tí wũhũi jia cũhũ mũano macari wũhũi jia yoaro seheta jiri jire mari piti dahre buhechũ. Mũano macari wũhũ sehe potocãta Cohamacũ ya wũhũ waro jira. ã jia ahri yahpa macari wũhũre, tí wũhũi jia cũhũre wahiquina dire to wajã si-teri mehne cosawero cahmari jire. Tí yũhdoro mũanopũ wahahtinare ti ñaa buhiri cjũainare co-sawero cahmana. ã jiro wahiquina yũhdoro jiroiro ya di to cohãno mehne tinare ti ñaa yoari buhirire cosawero cahmana.

²⁴ ã yoa Cohamacũre ti ño payori wũhũ masa ti yoari wũhũ jira. Mũano macari wũhũ yoaro seheta jira tí wũhũ cũhũ, mari piti dahre buhechũ. ã jiro Cristo sacerdote jiro marine sini payobasaro taro ahri yahpa macari wũhũre sãaerari jire. Potota mũanopũ wahari jire tiro Cohamacũ panoi marine sini payobasaro taro.

²⁵ Mari judio masa mari sacerdotia pũhtoa bui pũhtoro cũhmaripe Cohamacũ to jiri tahtia waropũ sãa tiri jire wahiquina dire waro taro. Cristo sehe to dire Cohamacũre waro sehe yoaro taro, yariaro payũ tahari sãaerari jire.

²⁶ Payũ tahari yariariro jiro, ahri yahpa to jiro puro payũ tahari yariaboa tiro. Payũ tahari tiro mari ñaa buhirire yariarucuriro jiboa. Wiho mejeta pihtiri dacho panocã mipũre marine jipihtinare yũhdũchũ yoaro taro cã tahata bajuari jire

tiro ahri yahpai. Ñ bajuari jire to yariaa mehne mari ñaa buhirire cohãno taro.

²⁷ Jipihtina masa cũ tahata yariaahca. Ti ã yariari baharo masa noainare, ñaina cũhure beserohca Cohamacu.

²⁸ Cũ tahata mari yariaro seheta Cristo cũhu cũ tahata yariari jire payu masa ti ñaa yoari buhirire cohãno taro. Baharo pari turi tarohca. Mari ñaa yoari buhirire cohã tuhsuriropu jirohca. Ñ jiro pari turi mari ñaa yoari buhirire cohãno taro nisi. Ñ taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cūri cjiri noaa buhea yoaro seheta jipahta, cãno potori jierara. Tí dutia ti yoa dutirore seheta cūhmaripe wahiquinare wajã, jũ muo, Cohamacure ño payorucura. Ti ã yoaa mehne masa ti ñaa yoari buhirire cohãerara.

² Tí mehne ti ñaa yoari buhirire cohãa, cũ tahata Cohamacure ti ño payori baharo “Mipure ñaa buhiri mariahna sãre”, ni tãhotuboa masa. Ñ jia pari turi wahiquinare wajã jũ muo Cohamacure ño payoeraboa. Ti ã yoirire duhunocaboa.

³ Cūhmaripe wahiquinare wajã jũ muo, Cohamacure ti ño payochu tí tinare ti ñaa yoari buhirire wacūchu yoara. Tó purocãta yoadoho duara tí tinare.

⁴ Wachu di mehne mari ño payori mehne, cabrito di mehne mari ño payori mehne ne mari ñaa yoari buhirire cohãerara.

5 Tí potocãta jira. Ti ã jichu ñuno Cristo ahri yahpapure to tahto pano õ sehe nia tiri jire Cohamacure:

“Wahiquinare jũ mho ti wachu, trigo pohcare ti wachu cãhure mahu ñucu ñu ji coerara mahu.

Ã jicu yu pjacure yoare mahu yu ya pjacu cjihtore.

6 Ñaa yoari buhirire ti cohãhtore wahiquinare wajã ti jũ mhochu ñucu ñu ji coerara mahu.

7 Mu ã ñu ji coerachu ñucu õ sehe nihi mahure:

‘Õi jija. Mu cahmano seheta yahpau yoai wahaihtja.

Ãta yãhure ni yahura mu ya tjuru’, nihi yãhu”, nia tiri jire Cristo to Purure.

8 “Wahiquinare jũ mho ti wachu ñucu, trigo pohcare ti wachu cãhure ñucu ñu ji coerara mahu”, ni yahu mahata tiri jire tiro. Wahmanopure to dutia wahiquinare, trigo pohca cãhure ti waa mehne ti ño payo dutipachata ã nia tiri jire tiro.

9 Ñ ni tuhsu õ sehe ni namoa tiri jire: “Õi jija. Mu cahmano seheta yahpau yoai wahaihtja”, nia tiri jire. To ã nichu õ sehe masija mari. Panopu wahiquinare wajã jũ mhoa mehne ti ño payori cjihtore duhuchu yoaro paye buhea sehere cãno niri jire Cohamacu. Ñ cãno mipure Cristo to yariaro mehne masare yãhduchu yoarohca Cohamacu.

10 Jesucristo to pjacure waro, yariaro, jipihtina mari to yainare mari ñaa buhirire cohãri jire. Cã tahata to pjacure wari jire mari ñaa yoari buhirire cohãno taro. Ñ yoaro Cohamacu to cahmano seheta yoaro niri jire.

¹¹ Jipihtina mari judio masa mari yaina sacerdotea dachoripe Cohamacure ño payori wñhwi dahrarucura. Ñ dahrarucua dachoripe mananota wahiquinare wajã, jũ mmo, Cohamacure sinirucura. Ti ã wajã jũ mmpachuta tí mari ñano yoari buhirire ne cohãerara.

¹² Cristo sehe cã tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tíre cohã tuhsu wahaa wahari jire to Pucuro caharu to poto buhusehei dujiro waharo. Pñtoro jiro tóru dujira.

¹³ Tóru dujiro cohtaro nina. Tirore ñu tuhtiinare Cohamacu sehe to yñdñrcabasahtore cohtaro nina Cristo.

¹⁴ Ñ jiro cã tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchu yoara tiro.

¹⁵ Tí potocã tjira. Ñta ni yahura Espiritu Santo marine. Ñ sehe ni yahura tiro:

¹⁶ “Ñ sehe nina Cohamacu: ‘Baharopure ñ sehe ni yahuihtja Israe masare, “Yu dutiare ti wacũaru cũihtja”’, ni yahuihtja”, nina tiro.

¹⁷ Ñ sehe ni namona Cohamacu:
“Ti ñaa yoari buhirire yu dutiare ti yñdñrcari cñhure pari turi wacũ namosi yñh”, nina tiro”,

ni yahura Espiritu Santo.

¹⁸ Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

Cohamacu cahai sñna cuiro marieno tiro mehne mari durucuboriro sehetã tiro mehne durucu masija mipure

19 Ñ jina y_u coyea Cristo to yariaro mehne to di cohãno mehne mip_ure mari cãh_u cuiro marieno Cohamac_u to jiri tahtia warop_u sãana, tiro mehne durucu masija. Ñ yoana tirore sini masija.

20 Mari catirucuhto cjihtore Cohamac_u marine ã coã yoaró niri jire. Cristo sehe mari ñaare yoari buhirire yariaro to di cohãri mehne Cohamac_u mehne durucu masija mari. Sacerdotea pãhtoa bui pãhtoro tí tahtiap_u to sãariro seheta Cristo sehe Cohamac_u cahap_u sari jire mari ñaa yoari buhirire bo dutiro waharo. Tí tahtia macari suhtirore ducatarí suhtirore to tãhrẽ cohãboro seheta Cristo to pjac_ure cohãri jire Cohamac_u mehne mari jirucuhto sehe.

21 Ñ jiro Cohamac_u ya wãh_ui dahrariro mari Yairo Sacerdote tua yãhd_uariro jira tiro.

22 Ñ jina Cohamac_ure sinijihna mahõono marieno. Tirore noano wacũ tuaa mehne, cuiro marieno tirore sinijihna. Cristo mari ñaa yoari buhirire to cosaweinap_u jija. Ñ jina “Buhiri tiina jija mari”, ni tãhotuina jieraja mari. Ñ yoa wete mariea co mehne mari cosawero seheta Cristo to cosaweinap_u jija. Ñ jiina jina Cohamac_ure sinijihna.

23 “Mũsare yãhd_uch_u yoaihtja”, to niriro seheta yoarohca. Ñ jina tiro marine to yãhd_uch_u yoah_utore noano masija mari. Tíre masina, ne boena tjijihna. Cohamac_ure ã wacũ tuarucujihna.

24 Mari mehne macainare cahĩna, tinare yoadohojihna mari jipihtina mari cahma cahĩ yoadohoh_uto sehe.

25 Ñ jina noano cahmachurucujihna Cohamac_u yare yoana tana. Paina sehe ti cahmachu-

marirore duhua nina. Tina yoaro sehe yoaena tjijihna. Mari mehne macainare wahchech_u yoajihna. Ahri yahpap_ure mari p_uhtoro to tahto mahano_cã d_uhsara. Tíre masina tuaro wahchech_u yoajihna mari mehne macainare Jesu yainare.

²⁶ Potocã jia buheare noaa buheare mari masipanahta ñ_uare mari pari turi ã yoarucuch_u mari ñ_uaa yoari buhirire cosawe namohto basioerara.

²⁷ Æ jiro tó sehe yoainare cua nina. Jipihtina tirore ñ_u tuhtiinare buhiri dahrero, tuaro j_unoi cohãnohca Cohamac_u tinare. Æ jia to buhiri dahrehtore cuiina dihta jimana tirore duhuina.

²⁸ Cohamac_u dutia Moise cjirore to c_uri cjirire y_uhd_ur_ucainare buhiri dahrea, mari coyea judio masa wajãna tinare. Ne pja ñ_uno marieno wajãna tinare. Tiaro ti yahusãch_u t_uhoro beseriro ti y_uhd_ur_ucarire masino tinare buhiri dahre dutira. Tiaro mariach_u p_uaro ti yahusãch_u tinare buhiri dahre dutira. To ã dutich_u tinare wajãna.

²⁹ Tí y_uhdoro Cohamac_u mac_unore ñ_u yabiina to buhiri dahrehtina jiahca. Cohamac_u Cristo to di cohãno mehne mari ñ_uaa yoari buhirire cohãna. To ã cohãhtore yahuri jire tiro marine. Æ jia tina ti ñ_uaa yoari buhirire cohãrina jipahta baharo pari turi ñ_uare yoarucua ti ñ_uaa yoari buhirire to cohãrire to di c_uh_ure “Wiho waro jira”, nia nina. Æ niina, to buhiri dahrehtina waro jia niahca. Æ niina Espíritu Santore ñ_uano ni durucuina jira. Tiro tinare cah_uriro jira. Ti ã ñ_uano durucuch_u ñ_uno tuaro buhiri dahrerohca Cohamac_u tinare.

³⁰ Ahrire mari noano masija. Cohamac_u to basita õ sehe nia tiri jire: “Y_uh_u jija buhiri dahre-

htiro. Ti ñaare yoari buhiri buhiri dahreihtja yuhh”, nia tiri jire tiro. Õ sehe ni namoa tiri jire: “Yuhh ñano yoainare yu yainare buhiri dahreihtja”, nia tiri jire tiro.

³¹ Cohamacu catiriro marine to buhiri dahrechua yuhduara.

³² Panopu musa jirire wacũga musa. Tí pjare Cohamacu yare wahma masi ducana payu tahari ñano yuhdupanahta to yare duhuerare musa.

³³ Cãa tahari masa ti ñurocaroi paina musare ñano ni, ñano yoapere musare. Paina Jesu yainare ti ñano yoachu ñana, tinare pja ñu, tinare piti tire.

³⁴ Ti peresu yoainare pja ñure musa. Tuhsu, musa yare ti mapachuta wahchea mehne, “Noanohca”, nire musa. Ahri yahpa macaa yuhdoro noaare cjuara musa muanopu. Tí noaa ã jirucuahca. Tíre masina, musa cjuare ti machu cahyaerare musa.

³⁵ ã jina cuiena tjiga. Cohamacure ã wacũ tuarucuga. Musa ã yoachu ñno tiro noano yoarohca musare.

³⁶ Cohamacu “Musare õ sehe yoadohoihtja”, to ni cũrire noano cohtaga musa ñano yuhdupanahta. ã cohtaina jina to cahmaare yoanahca musa. ã yoana to ni cũrire cjuanahca.

³⁷ Õ sehe nina Cohamacu yare ti joari pũi: “Mahanocã duhsara Cristo to wihihito.

ã taro dói wihi bahrañonohca.

³⁸ Yu yaina noaina sehe yuhure wacũ tuarucuahca.

ã yoaa yaina jirucuahca.

Yuhh mehne ã jirucuahca.

Yu yare cohãina sehere ñu yabija yuhh”, nia tiri jire to ya durucua ti joari pũi.

39 Mari sehe Cohamacu yare cohãina jieraja mari. ã jina pichacaru wahahtina jieraja mari. Cohamacure wacũ tuaja mari. ã jina to yãhdachu yoaina jija.

11

Wacũ tuaare yahuha

1 Õ sehe jira wacũ tuaa: Cohamacure wacũ tuana, marine to noano yoahore noano masija mari. Cohamacu to niriro seheta to yoerasinipachuta to yahuare “Potocã tjira”, ni tãhotuja mari tirore wacũ tuana. Tirore ñerapanahta, tirore wacũ tuana, “Potocã tjira”, ni tãhotuja mari to yahuare tãhona.

2 Panopu macaina Cohamacure ti wacũ tuachu ñno ñu ji coaa tiri jire tiro sehe.

3 Cohamacu to durucua mehne jipihitiare bajuamehnea tiri jire. ã jiro tiro mari ñerari mehne jipihitia mari mipu ñare bajuamehnea tiri jire. Tíre mari noano masija Cohamacure wacũ tuana pinihta.

4 Cohamacure wacũ tuaro Abe sehe corderore wajã, jã mño, Cohamacure ño payoro “Noana”, nia tiri jire. To wahmino Caĩ yãhdoro noanore waro, ño payoa tiri jire tiro Cohamacure. ã jiro Cohamacu to warire wahchea tiri jire. ã wahchero “Noariro jira”, ni ñua tiri jire tiro Abere. ã Cohamacure to wacũ tuachu ñna mari tirore ñu cãja. To yariari baharo jipachuta to wacũ tuarire ñu cãja mari.

5 Enoco Cohamacure to wacũ tuachu ñno wahchea tiri jire Cohamacu. ã wahchero tirore to

cahapu na m̄oa tiri jire. Āta nina Cohamacu yare ti joari p̄i. To na m̄ori baharo ne masa tirore bocaera tiri jire. To na m̄oriro jiro ne yariaera tiri jire.

6 Cohamacure wacū tuaerana, tirore wahchechu yoa masieraja mari. Cohamacure wacū tuaerana, tirore ño payo masieraja mari. “Potocāta tiro Cohamacu warota jira. Ā jiro tirore mari ño payochu marine noano yoara tiro”, mari ni t̄hotuerana tirore sini masieraja mari.

7 Noé Cohamacure wacū tuaro, tirore to yahurire noano yahtia tiri jire. Baharopu ti ñano wahahtore to yahuchu t̄horo noano yahtia tiri jire tiro. Ā yahtiro, p̄jiria dohoriare yoaa tiri jire. Ā yoa tia dohoria mehne tiro to coyea mehne dia miniore yahduu tiri jire. Ā wacū tuariro jiro ahri yahpa macaina ñaina ti wacū tuaerare ti pichacapu ti wahahto c̄hure ñono nia tiri jire. Ā jiro to wacū tuachu ñano “Noariro jira”, ni ñua tiri jire Cohamacu tirore.

8 Abrahã cjiro c̄hu Cohamacure wacū tuaro tirore yahtia tiri jire. Pa dihtapure tirore to wahti dihtapure Cohamacu to waha dutichu t̄horo Abrahã yahtia tiri jire. To ya dihtai jiriro wijaa waharo, to masierari dihtapu sua tiri jire.

9 “Ahri dihtare m̄hure waihtja”, Cohamacu to nichu t̄horo tirore wacū tuaro tí dihtaihta tjuaa tiri jire tiro. Tóí jiro pa dihta macariro jiparota tóíhta tjuanocaa tiri jire. Tirore, to macuno Isaa c̄hure to panamino Jacobo c̄hure tina cañare “Ahri dihtare m̄sare waihtja”, ni yahua tiri jire Cohamacu sehe. Ā jia tina tí dihtai jia, wahiquina

cahsari wuħusei jia tiri jire munano jieraina jia.

¹⁰ Tóí jisinia tiri jire Abrahã Cohamacu mehne to jhtore cohtaró. Pa macapuc Cohamacu to jiri macapuc munanopuc to wahahtore cohtaró nia tiri jire tiro. Tí macare dahrea tiri jire Cohamacu. ã jiro tí maca ne pihtisi.

¹¹ Cohamacure wacũ tuaro Abrahã cjiro bucuro waro jiparota, to namono Sara mehne pohna tia tiri jire. To namono pohna marienicoro to jipachuta, “To niriro seheta yoarohca”, Cohamacure nino, tirore wacũ tuaro pohna tia tiri jire Abrahã.

¹² ã jiro Abrahã bucuro waro jiparota pohna tia tiri jire. ã jia to panamana ji turiainapuc payuc wahanocari jire. Ñahpichoha perire, paduc pohcaricã cãhure mari quihõna bihoeraro seheta to panamana ji turiaina cãhure quihõna bihoeraja mari.

¹³ Jipihtina ahrina yuc yahuina cjiripuc Cohamacure wacũ tua tuhsuinapuc yariaa tiri jire. Cohamacu tinare “Mũsare waihtja”, to ni quihõ cũrirore sũerapahta yariaa tiri jire. Tíre ñahaerapahta Cohamacu to niriro seheta yoari pja baharopuc ti cjuhtire masia tiri jire. ã masia wahchea tiri jire. ã jia õ sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina.

¹⁴ Tó sehe niina pa yahpare ti ya yahpa cjhtore cohtaa nina. Tíre mari noano masija.

¹⁵ “Pa yahpa macaina jira”, nicuc panopuc ti cohãri yahpare nicuc nieraja. Pa yahpapuc ti ji muhtari yahpapuc waha duaa, wahaboa.

16 Noa yǎhdǎari yahpa sehere cahmaa nia tiri jire. Tí yahpa mǎanopǎ jira. Ti ǎ cahmachǎ ñǎno “Cohamacǎ sǎ pǎhtoro jira”, ti nichǎ tǎhoro bǎo tierara Cohamacǎ. Ti ya maca cjihtore dahrebasa tuhsǎa tiri jire tiro.

17-18 Cohamacǎ Abrahǎre to macǎnore Isaare wajǎ jǎ mǎo dutia tiri jire. Tirore ñǎ duaro ǎ dutia tiri jire, “¿Potocǎta yǎhǎre wacǎ tuajari?” nino. Cohamacǎre wacǎ tuaro to niriro seheta yoaa tiri jimare Abrahǎ. “Mǎ macǎ Isaa mehne mǎ panamana ji turiainare payǎ cǎaihca mǎhǎ”, Cohamacǎ to niriro jipachǎta to macǎnore wajǎno taro nia tiri jimare Cohamacǎre ño payoro taro.

19 “Yǎ macǎ Isaare yǎ wajǎchǎ Cohamacǎ tirore masonohca”, ni tǎhoturo tirore wajǎno taro nia tiri jimare. ǎ niriro jiparota Cohamacǎ tirore dǎcata, wajǎ dutiera tiri jire. To pǎcǎro to ǎ wajǎboriro jiro, masariro yoaro sehe jia tiri jire Isaa, Abrahǎ to ñǎchǎ. ǎ jiro Abrahǎ tirore catirirore pari turi cǎaa tiri jire.

20 Isaa Cohamacǎre wacǎ tuaro, to pohnare Jacobore, Esaú cǎhǎre “Baharopǎ Cohamacǎ mǎsare pjíro noano yoarohca”, nia tiri jire.

21 Cohamacǎre wacǎ tuaro Jacobo to yariahto panocǎ José pohnare, mǎare “Cohamacǎ mǎsare pjíro noano yoarohca”, nia tiri jire Jacobo. Na tuhcuca caha sǎ, to tjuadǎ mehne tjua ñaha caha sǎ, Cohamacǎre ño payoro, “Cohamacǎ mǎsare noano yoarohca”, ni cǎa tiri jire.

22 Cohamacǎre wacǎ tuaro José to yariahto panocǎ Israe masa Egiptoí jiina ti wijahtore yahuyua tiri jire. ǎ ti wijahtore masiyuro to

yariari baharo to pjacu cjirore naa dutia tiri jire to pohmare.

²³ Cohamacure wacũ tuaa, Moiscãre tia sũ waro nuo cjuaa tiri jire to pucsumma, to masa bajuari baharo. Noarirocã to jichu ñua tirocãre nuoa tiri jire. Tí yahpa macaina bui puhtoro ti pohmare to wajã dutirore yuhdurucanocaa tiri jire tina. Tirore cuiera tiri jire.

²⁴ Moise cjirore buchoricoro Egipto yahpa macaina bui puhtoro macono jia tiri jire. ã to buchoriro jiro Cohamacure wacũ tuaro “Ticoro macano”, tirore ti ni pisuchu cahmaera tiri jire Moise.

²⁵ Cohamacure yuhdurucariro jiro tirore buchoricoro caharu mahaa numericã noano jiboa. ã jiboriro jiparota tí yuhdoro tiro Cohamacu yaina mehne ñano yuhdu duaa tiri jire.

²⁶ ã ñano yuhduro Cristore ti bujupehto seheta ti bujuperiro jia tiri jire. Baharoru to noano yoari wapa Cohamacu tirore to noano yoahore masino ñano yuhdu duaa tiri jire Cristo to ñano yuhduhto seheta. Jipihtina Egipto macaina ti noare ti cjuaro yuhdoro tiro Cohamacu sehere tuaro cahmaa tiri jire. Ñano yuhduparota, Cohamacure cahmaa tiri jire.

²⁷ Cohamacure wacũ tuaro, Egipto macaina bui puhtoro tiro mehne to suachu cuieraa tiri jire Moise. ã cuieraro tí yahpai jiriro tí yahpare cohã wahcãa wahaa tiri jire. ã waharo Cohamacure bajuerarirore to ñaboriro seheta cuierariro jia tiri jire. Cohamacu tirore to yoa dutirire ne duhuera tiri jire Moise cjiro.

28 Cohamacure wacũ tuaro Moise cjiro Israe masare Cohamacu to yḥdḥchḥ yoahtore masia tiri jire. ã masino Cohamacu to dutiriro seheta Israe masa ti sopacarire õa pñine di mehne wajã site dutia tiri jire tiro. Ti ã yoachḥ ñano anjo masare wajãriro ti masa wahmisumare wajãboriro Israe masa ti wahmisumare wajãera tiri jire.

29 Cohamacure wacũ tuaa, Israe masa “Sohãri ma”, ti niri mapu co watoi jiri wahsai co marieni wahsai wahaa wahaa tiri jire. Ti ã wahachḥ ñua Egipto macaina cãhḥ tinare ñu cũ, nḥnḥ ti wahcãmaa, mini yariaa wahaa tiri jire.

30 Cohamacure wacũ tuaa Israe masa Jericó wama tiri maca macari sahrĩno tãa mehne ti yoari sahrĩno sē butiri sahrĩno baharo bḥhusehei soroa majarea tiri jire. Siete dachori waro tí macare soroa tinia tiri jire. Tópe dachori ti soroa tiniri baharo tí sahrĩno sehte bora pihtia wahaa tiri jire.

31 Cohamacure wacũ tuaro tó pano mḥa mehne ñano yoarucuricoro cjiro Rahab wama tiricoro, tí maca macaricoro Israe masare yoadohoa tiri jire. Tí macare ti cohãhto pano mahainacã Israe masa tópu sãa ti duhti ñḥchḥ ticoro tinare yoadohoa tiri jire. To ã yoadohochḥ ñua Israe masa wajãera tiri jire tiorore. Tí maca macainare Cohamacure yḥdḥḥcainare wajãpahta ticoro sehere wajãera tiri jire.

32 Painare Cohamacure wacũ tuainare yahu namoboa yḥhḥ. ã yahu duapaihta payḥre ã Cohamacure wacũ tuainare yahu joa pahño masieraca yḥhḥ. Payḥ jira tina. Gedeõ, Baraca, Sansõ, Jefté, Davi, Samue, Cohamacu yare yahu mḥhtaina cãhḥ ahrina jipihtina yḥ yahuborina jira.

33 Cohamacure wacũ tuaina cãina paye yahparipũ jia, tí yahpari macainare cahma wajã yũhdũrũcaa tiri jire. ã yoa paina noano dutiina jia tiri jire. Cohamacũ tinare “Mũsare yoadohoihtja”, to nĩriro seheta tinare yoadohoa tiri jire. Tirore ti wacũ tuachũ ñũno ã tinare yoadohoa tiri jire. ã wacũ tuaa, yaya tinare ti chũ duachũ ti dũserire bihachũ yoaa tiri jire tina.

34 Tuaro jũri pichacapũ jipahta jũera tiri jire tina Cohamacure wacũ tuaa. Paina tinare ti ñosa wajã duachũ duhti wahcãa wahaa tiri jire Cohamacure wacũ tuaa. Tuaeraina jipahta Cohamacure wacũ tuaa, tuaina wahaa tiri jire. Cohamacure wacũ tuaina jia, cahma wajã tuaina jia tiri jire. ã jia paye yahpari macaina surara tinare wajãa taina ne cãno pjaera tiri jire tinare.

35 Cãa numia Cohamacure ti wacũ tuachũ ñũno ti coyeyã ti yariachũ ñũno Cohamacũ sehe tinare masobasaa tiri jire.

Paina “Cohamacure cahmaena tjiga”, ti ni peresu yoaina ti ñabiaro yoapeina Cohamacure wacũ duhuera tiri jire. “Cohamacure mũsa wacũ duhuchũ mũsare wionahca”, nia tiri jimare tinare peresu yoaina Cohamacũ yainare. Ti ã nipachũta tinare yũhtiera tiri jire Cohamacũ cahapũ tuaro waha duaa. ã jia tinare ñabiaro ti yoapechũ yariaa wahaa tiri jire.

36 Painare Cohamacure wacũ tuainare ñano ni bũjũpe tinare tjana mũjaa tiri jire. ã yoa painare dahporire, yachũrũre dũhtenoca peresu yoaa tiri jire.

37 Cohamacure wacũ tuainare ñaina tãa mehne doca wajãa tiri jire. Painare ti pjacũrũre seroti

mehne yihso ta mɔjɔa tiri jire. Painare ñosaa pǰĩni mehne ñosa wajãa tiri jire tina. Ti ã ñano yoapeina oveja cahsari mehne, cabra cahsari mehne suhti tiina pɔacɔina jia tiri jire. ã jia paina tinare ñano yoapea tiri jire.

³⁸ Tina Cohamacɔre wacũ tuaina peri yɔ yahuina noa yɔhdɔaina ti jichɔ ahrɔ yahpa macaina ñaina tina mehne jiborina jierara. Ahrina Cohamacɔre wacũ tuaina wɔhɔse marieina jia, masa marienopɔ, tɔyucɔpɔ ji sitotaa tiri jire. ã ji sitotaa, tɔyucɔpɔ jia coparipɔ, yahpai jia coparipɔ cɔhɔre carĩ sitotaa tiri jire.

³⁹ Ahrina jipihtina Cohamacɔre ti wacũ tuachɔ ñɔno wahchea tiri jire tiro. Ti ã wacũ tuapachɔta Cohamacɔ tinare “Mɔsare yɔhdɔchɔ yoaihtja”, to niriro mɔ sɔerasinia tiri jire.

⁴⁰ To yɔhdɔchɔ yoaerasinirire yahuro ò sehe ni tɔhotua tiri jire Cohamacɔ. “Ahrina yɔ yainare baharopɔ jiina yɔ yaina mehne cɔno potori yɔhdɔchɔ yoaihtja”, ni tɔhotua tiri jire. ã ni tɔhoturo to niriro seheta yoarohca. To ã yoachɔ noa yɔhdɔara to pano yoariro yɔhdoro.

12

Jesure ã wacũrucujihna mari

¹ ã jina ahrina yɔ yahurinare payɔ Cohamacɔre wacũ tuainare masina, jipihtia ñaa yoare duhunocajihna mari cɔhɔ. Ò sehe jira mari piti dahre buhechɔ: Mɔrocaperirore tirore mɔroca tuachɔ dojomehnea jira paye. To dahpo suhti nɔcɔa suhti tirore mɔroca tuaerachɔ yoaboca. Tí yoaro seheta Cohamacɔ cahmaare mari yoa

duach_u dojomehnea cãh_u jira. Ahri cãh_ure duhujihna mari. ã yoana m_urocapeina soro marieno ti m_urocaro seheta mari cãh_u Cohamac_u to cahmano seheta soro marieno yoajihna.

² ã jina Jesure ã wacũrucujihna mari. Tirota jira marine wacũ tua d_ucach_u yoariro. ã yoa marine wacũ tua namoch_u cãh_ure yoara tiro. Crusap_u yariaro cãno pjari jire. Baharo to wahchehtore masino crusap_u yariari jire. ã yariaro b_uo tiboriro jiparota b_uo tierari jire tiro. ã yoaro mip_ure Cohamac_u to p_uhtoro dujiro poto b_uh_usehei dujitiãhno tiro dutiriro jira.

³ Ñaina masa tirore ti ñabiaro yoapach_uta cãno pjari jire tiro. Tíre wacũga m_usa, m_usa cãh_u ñano y_uhd_una, “Cãno pjaerari”, nina. Tíre wacũga m_usa “Tirore wacũ tua duhuri”, nina.

⁴ Jesu to ñano y_uhd_uriro sehe ñaare yoaerapanahta ñabiaro waro y_uhd_uerasinica m_usa. Ñaina m_usare wajãerasinica.

⁵ ¿Cohamac_u m_usare to poh_unare to yahurire bonocajari m_usa? M_usa ñano y_uhd_uhtire to yahurire wacũga m_usa. Õ sehe nia tiri jire tiro:

“Y_u mac_u, m_uh_ure y_u yahuch_u y_uh_ure ã ñ_unocai tjiga ñano y_uhd_upaihta.

M_uh_ure y_u tuhtich_u t_uhoc_u cahyai tjiga.

⁶ Jipihtina y_u cahĩinare yahuja.

ã yoa jipihtina ‘Y_u poh_una jira m_usa’, y_u ni ñ_uinare y_uhd_ur_uca dutieraja.

ã jicu ti y_uhd_ur_ucach_u ñ_uc_u tinare buhiri dahreja”, nia tiri jire Cohamac_u.

7 Ñano yũhdũna Cohamacũ yare duhuena tjiga. Cohamacũ mũsare to pohñare buhero nina. Ti pũcũsuma ti pohñare ã yahurucura. ã yoa tinare buherucura. Tó seheta yoara Cohamacũ cãhũ marine to pohñare.

8 Cohamacũ jipihtina to pohñare ã yahurucura. ã jina mũsare to yahuerachũ to pohña waro jierara mũsa. Pũcũsuma marieina yoaro sehe jira mũsa to yahueraina. ã jina “Sã Pũcũ waro jira”, ni masierara mũsa Cohamacũre, mũsare to yahuerachũ.

9 Mari pũcũsuma marine ti yahuchũ tũhona tinare ño payoja mari. Mari pũcũsumare mari ño payoriro yũhdoro ño payoro cahmana mari Pũcũre Cohamacũre to yahuchũ. ã jina tirore yũhtiro cahmana marine. ã yũhtiina jina jipihtia dachoripe tiro mehne jinahca.

10 Mahaa nũmũricã ahri yahpai mari jisnichũ mari pũcũsuma marine yahua, buhiri dahrera. Ti mũ sũro ti masino purocãta marine yahua, buhiri dahrera. Cohamacũ sehe marine noano yahura. ã jiro to masia mehne marine buhiri dahrera marine noaina bũcũa dutiro. ãta yoara tiro marine tiro yoaro sehe noaina mari jihto sehe.

11 Marine to buhiri dahrechũ wahcheraja mari. Wiho mari cahyaja. ã cahyapanahña to ã buhiri dahreri baharo noaina bũcũanahca mari. ã jina soro yoaro marieno noano jinahca.

*Cohamacũ marine to dutiare mari yũhtierachũ
cua nina marine*

12 ã jina wacũ tuaera cureina jipanahta Cohamacũre wacũ tuaina jiga. Tirore duhuena tjiga.

13 Noano potori mahare m̄sa wahaboro seheta noano potocã yoaga m̄sa. M̄sa ã yoach̄ ñ̄ c̄a, paina Jesu yaina soro jiare yoasi. M̄sa noano yoach̄ ñ̄ c̄a, noano wacũ tuaera cureina c̄h̄ wacũ tuaina wahaahca.

14 Jipihtina masa mehne noano jiga, cahmacheno marieno. ã yoa ñ̄ano yoarucuena tjiga. Ñ̄aa buhiri marieina dihta mari p̄h̄toro Cristore ñ̄ahca.

15 Noano yoaga m̄sa. Cohamac̄ m̄sare to yoadohoch̄ tirore noano ȳhtiga. Ñ̄aa diaa ti toaare ti dojomehnenno seheta m̄sa c̄h̄ Cristo yare duhuena tjiga, “Painare dojomehneri”, nina.

16 Ne numia mehne ñ̄ano yoaina jiena tjiga. ã yoa Cohamac̄ yare cahmaeraina jiena tjiga. Cohamac̄re cahmaerariro jia tiri jire Esaú cjiro. Tiro masa wahmino jia tiri jimare. ã jiro to p̄c̄ro to yariari baharo to p̄c̄ro yare cj̄htiro jisinia tiri jimare. Cohamac̄ to p̄c̄rore to ni c̄ri c̄h̄re cj̄htiro jisinia tiri jimare. ã jiriro jiro c̄ dacho c̄ wapaihta ch̄are cahmano, tí wapa mehne to bah̄ro sehere to wahmino yoaro taro cohtotaa tiri jire.

17 To ã yoari baharo to dohse waharire masina m̄sa. To p̄c̄ro tirore to wahtire tuaro cahmaa tiri jimare Esaú. To ã cahmapach̄ta to bah̄rore to wahmino to yoari buhiri, baharo to cj̄aborire waera tiri jire to p̄c̄ro Esaúre. Tíre yahco mehne to sinipach̄ta tirore waera tiri jire to p̄c̄ro.

18 Cohamac̄ to dutiare Moise cjirore to c̄h̄ mari coyeyae Israe masa cjiri Cohamac̄ mehne jia tiri jire. Tina tiro mehne ti jiriro seheta m̄sa sehe

jierare. Õ sehe yoaa tiri jire tina sehe. Tãcũpũ Cohamacũ mehne jia taa, sũa tiri jire. Tũ sehe Sinaí wama tidũ jira. Tũpũ ti sũchũ tuaro pichaca jãa tiri jire. Å jiro nahitiano, buiri, tuaro wihnono cãhũ jia tiri jire tũ tãcũi.

¹⁹ Tópũ ti sũchũ corneta bisiro coa taa tiri jire. Å yoa durucua bisiro coa taa tiri jire. To ã durucua bisiro coa tachũ tũhoa, masa cãno pjaeraa, “Å durucu namoeno tjijaro”, tuaro ni sinia tiri jire.

²⁰ Cohamacũ cuaro mehne õ sehe ni, dutia tiri jire tinare: “Jipihtina ahdũ tũcũre pihainare tãa mehne doca wajãga tinare. Ahdũre pihariro wahiquiro waro to jipachũta tiro cãhũre tãa mehne doca wajãga tirore. O ñosadũ mehne ñosa wajãga tirore”, nia tiri jire Cohamacũ. To ã nichũ tũhoa to ã ni dutiare cũno pjaera tiri jire tina.

²¹ Jipihtia tũ tãcũi jiro to ñũrĩre ñũ cuiro, õ sehe nia tiri jire Moise cjiro: “Cuicũ teterei nija”, nia tiri jire tiro.

²² Tó seheta Cohamacũ mehne ti ji dũcariro seheta jierara mũsa sehe. Cohamacũ mehne jina wahana, Siõ wama tidũpũ mũano macadũpũ mũsa sũboro seheta potota Cohamacũ mehne durucure mũsa. Cohamacũ catiro to ya macapũ mũsa sũboro seheta potota tiro mehne durucure mũsa. Tí maca pa maca wahma maca Jerusalẽ mũano macari maca jira. Tópũre payũ anjoa peri jira.

²³ Tina Cohamacũ mehne wahchea taa cahmachuina jira. Å jina mũsa sehe to ya maca macaina jina, tópũ Cohamacũ pohna ji mũhtaina mehne mũsa cahmachuboriro seheta jira. Tina to pohna wamare to joa õri pũi mũanopũ ti wamare

to joa ñina jira. Tiro Cohamacu sehe jipihtinare besehtiro jira. Tiro mehne macaina jira musa sehe. Ñ jina paina noaina Cohamacu yaina mehne cahmachuina seheta jira musa cūhu. Tinareta ñaa marieina jichu yoa tuhsuri jire Cohamacu.

²⁴ Ñ jina Jesu mehne macaina jira musa sehe. Wahmanopu Moise cjirore to duti cūri cjirore cohtotaro “Musare yuhduchu yoaihtja yuhu”, ni cūa tiri jire Cohamacu marine. To ñ ni cūriro seheta yoariro jira Jesu. To dire cohã to yariaro mehne ã marine yuhduchu yoara. Abe cjiro to di cohãchu ñuno Cohamacu Abere wajãrirore buhiri dahrea tiri jire. Jesu sehe to dire cohã to yariariro mehne noano yuhduja mari. Ñ jiro Abe to di cohãri wiho warota jia tiri jire. Cristo sehe to di cohãri baharo noa yuhduaro yoari jire Cohamacu marine. Ñ jia to di cohãri wiho warota jierara.

²⁵ Ñ jina noano yoaga musa. Cohamacu yare musare yahurirore noano yuhtiina jiga. Panopu ahri yahpai jiriro Moise cjiro Cohamacu yare to yahuchu tũhoa, payu tíre tũho duaera tiri jire. Ñ ti tũhoerari buhirire buhiri dahrea tiri jire Cohamacu tinare. Cristo sehe manopu jiriro Cohamacu yare yahuriro jira. Ñ jiro panopu macainare to buhiri dahreriro yuhdoro buhiri dahrerohca Cohamacu Cristore cahmaerainare. Cristo sehe manopu jiriro Cohamacu yare yahuriro jira.

²⁶ Tí pjare Moise cjirore to dutiare to cūri pjare Cohamacu to durucuro mehne yahpa ñuhmichu yoaa tiri jire. Mipu sehere ñ sehe ni yahuri jire tiro: “Ahri yahpa to ñuhmichu cã taha yoa namoi-

htja. Ahri yahpa dihtare ñuhmichu yoasi yuh. Muanopu cãhare ñuhmichu yoaihtja”, ni yahuri jire tiro.

²⁷ “Ahri yahpa to ñuhmichu cã taha yoa namoihtja”, nino jipihtiare to bajuamehnerire to cohãhtore masichu yoaro niri jire. Puhtoro Cohamacu to sãho jiropure cohãhto basioerara. Ñ jiro to bajuamehneri cjirire to cohãchu puhtoro to sãho jiro dihta tjuarohca.

²⁸ Puhtoro to sãho jiropu wahanahca mari. Ñ jina puhtoro to sãho jiropure to cohãerachu ñuna, Cohamacure “Noana”, nijihna mari. Ñ jina tirore ño payoa mehne, cua pisaro mehne to yare yoajihna mari tirore wahchechu yoana tana.

²⁹ Pichaca jũno to cuaro to jiro seheta Cohamacu cuaro choro buhiri dahreriro jira.

13

Õ sehe Cohamacure wahchechu yoaga

¹ Mũsa mehne macainare cahĩ duhuena tjiga.

² Masa masa masieraina ti jipachuta tinare masa wuhusepu noano mehne sãa ta dutiga. Paina ã yoaa, masierapahta anjoare ti wuhusepu sãa ta dutiri jire. Ñ jina ti yoaro seheta yoaga masa cãhu.

³ Peresui jiinare pja ñuga. Mũsa sehe tina mehne peresui jiina masa jiboro seheta tinare pja ñuga. Paina ti ñano yoaina cãhare pja ñuga. Tina yoaro sehe masa cãhu masa ñano yuhduboro seheta tinare pja ñuga.

⁴ Wamomaca duhteina jipihtina masa basi noano cahma ño payoga. Ñ yoa paina mehne ñano yoarena tjiga. Jipihtina numia mehne ñano

yoainare, m̄aa mehne ñano yoaa numia c̄hure buhiri dahrerohca Cohamac̄u.

⁵ Niñerure cah̄ina ne jiena tjiga. Õ sehe nia tiri jire Cohamac̄u: “M̄sare ne coh̄asi. ã yoadohoru-cuihtja m̄sare”, nia tiri jire tiro. Noho puro m̄sa c̄h̄aa mehne tó purota wahchega. P̄j̄iro cahma namoena tjiga.

⁶ ã jina cuiro marieno õ sehe ni t̄hotunahca mari:
“Mari p̄h̄toro Cohamac̄u marine yoadohoriro jira.

Ne cui si mari.

Masa marine ti ñano yoah̄tore cui si mari”,
ni t̄hotunahca mari.

⁷ Cohamac̄u yare m̄sare yahurinare m̄sare dutirinare wac̄ũga m̄sa. ã yoa noano ti jia tirire noano ti yoaa tirire wac̄ũga. ã wac̄ũna, Cristore ti wac̄ũ tuariro seheta yoaga m̄sa c̄h̄u.

⁸ Jesucristo ne cohtotaerara. Panop̄u, mip̄u c̄h̄ure, baharop̄u c̄h̄ure to jiriro seheta jirucurohca tiro.

⁹ Paȳu buheare soro jia buheare t̄hoena tjiga m̄sa “Noa buheare s̄ap̄u coh̄ari”, nina. “Ahr̄ire ch̄uga. Ahr̄ire ch̄ena tjiga”, ni buhera c̄aina. ã ni ti nia buheare mari ȳhtich̄u tí marine yoadohoerara. ã jiro tó sehe jia buheare mari yoach̄u wiho warota jira. Tí marine wac̄ũ tuaina jich̄u yo aerara. Cohamac̄u sehe marine p̄ja ñ̄ano wac̄ũ tuaina jich̄u yoara. ã jina to ya tuaa mehne tirore wac̄ũ tuaina jiga m̄sa c̄h̄u.

¹⁰ Cristo mari ñ̄aa buhirire yariari jire mari ñ̄aare coh̄ano taro. Sacerdotea sehe õ sehe niina jira: “Wahiquina mari waj̄ã j̄ũ m̄oina, mari waina

mehne yuhdunahca”, niina jira sacerdotea. ã niina ti ñaa yoari buhirire cohãina ne ji masierara. Cristo to crusai to yariaro mehne yuhduina ji masierara tina ã ni tãhotuina.

¹¹ Mari judio masa mari sacerdotea puhtoro Cohamacu to jiri tahtia waropu dire na sãano wajã sitea tiri jire, masa ti ñaa yoari buhirire cosawero taro. ã yoa to wajãriro wahiquiro to pjacure tí maca duhtu cahapu jũ cohãnocahna.

¹² To yoariro seheta Jesu cãhu maca duhtu cahapu yariari jire, masa ti ñaa buhirire to di cohãno mehne cosawero taro.

¹³ Maca duhtu cahapu to yariachu ñua, ti ya buheare to cohãchu ñua judio masa puhtoa tirore ñu tuhtiri jire. ã jina mari cãhu tiro mehne macaina jijihna. Mari ã jichu ñua, masa mari cãhure ñu tuhtiahca.

¹⁴ Ahri yahrapu mari ji dojoahti maca ne mari-ahna. ã jina mipure mari baharopu jihti macare cohtana nija mari.

¹⁵ ã jina Jesu to yoadohoro mehne Cohamacu mehne durucuja mari. ã jina tirore noano sinijihna. Sacerdote wahiquirore jũ muo, Cohamacure to ño payoriro seheta Cohamacure mari duseri mehne noano durucu ño payojihna mari. “Cohamacu tuariro jira”, ni ño payorucujihna. Mari ã nichu tiro wahcherohca.

¹⁶ MUSA mehne macainare noano yoaga. ã yoa tinare yoadohoga. Tíre boena tjiga. MUSA ã noano yoana Cohamacure ño payona nica MUSA. ã yoana tirore wahchechu yoana nica.

¹⁷ MUSA puhtoare noano yuhtiga. Ti dutiro

seheta yoaga. Cohamacu musare ñu wihbo, buhe dutiro cüre tinare. To ã cürina jia musare ã ñu wihborucua nina “Cohamacure yuhdurucari”, nia. Ñ jina tinare noano yuhtiga musa. Musa ã yuhtichu ñua wahchea mehne musare yoadohoahca tina. Musa yuhtierachu ñua tina cahyaahca. Ñ yuhtierana noano jisi musa.

¹⁸ Säre sini payorucuga Cohamacure. Dachoripe noaa dihtare yoa duaja sä. Ñ jina “Ñaare yoana nija”, ni tuhhotueraja sä.

¹⁹ Ahri pinihtare tuaro sini payoga Cohamacure yuhure: Soaro mehne musa caharu yu wahahtore tirore sini payoga.

Ahri püre joariro noa duti batoaha

²⁰ Cohamacu mari puhtoro Jesure yariarirore masori jire. Marine noano jichu yoariro jira. Tiro “Musare yuhduchu yoaihtja”, ni cúa tiri jire Cohamacu marine. To ã ni cürire yoariro marine yuhduchu yoariro Jesu sehe jira. Mari ñaa buhirire yariari jire tiro. Ñ jiro tiro tuariro ovejare ñu wihboriro yoaro sehe jiro, marine to yainare noano ñu wihbora.

²¹ Ñ jiro Cohamacu tirore masoriro musa cühure yoadohojaru jipihtia noaare to cahmaare musa yoahito sehe. Ñ jiro Jesucristo to yoadohoro mehne Cohamacu to cahmano seheta jipihtinare marine noaa sehere cohtotachu yoajaro. Jipihtia dachoripe Cristore ño payojihna. Ñta yoajihna.

²² Yu coyea, ahrire tuaro musare dutihtja: Ahri püi yu yahurire noano mehne tuhoga musa. Ahri

m̄sare ȳa joarocari p̄ũ pj̄iri tju jierara. ã jina ahrire noano t̄hoga.

²³ Ahri c̄h̄are m̄sare yahuihtja: Mari coyeirote Timoteore peresu jirirore wioyuhti. Soaro mehne to wihich̄ m̄sare ñ̄ai wahac̄ t̄irote naaihtja. Ȳh̄ mehne waharohca.

²⁴ M̄sa p̄h̄toare, jipihtina painare Cohamac̄ yainare t̄oi j̄inare noa dutija. Italia macaina Jesu yaina c̄h̄ m̄sare noa dutira.

²⁵ Cohamac̄ to cah̄a mehne m̄sare jipihtinare noano yoajaro.

Cohamacu Yare Yahari Tjuel New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 30 Jul 2024 from source files
dated 29 Jan 2022
1f3a4366-edba-553b-a17f-bc47c9049c98